



東郭記目錄

卷上

第一齣

離婁章句下

第二齣

人之所以求富貴利達者

第三齣

少艾言也

第四齣

井上有李

第五齣

則將樓之乎

第六齣

齊東野人之語

第七齣

媒妁之言



第八齣

綿駒之言

第九齣

則得妻人之語

第十齣

日攘其隣之鷄者

第十一齣

鑽穴隙李

第十二齣

以利言也

第十三齣

六妾所以求富貴陳表

第十四齣

先名實者

卷第十五齣

其良人出

東原第十六齣

他日歸

第十七齣

與之偕而不自失焉

第十八齣

出而哇之

第十九齣

吾將矚良人之所也

第二十齣

蚤起

第二十一齣

徧國中

第二十二齣

卒之東郭墻間之祭者

第二十二齣

平之東隱謝問之祭者

第二十一齣

謝國中

第二十齣

登張

第十九齣

吾辨觀身人之所也

第十八齣

出而對之

東郭記目錄

終

與之游而不自失焉

東郭記卷上

第一齣

離婁章句下

長樂郭
振鐸西
諸君志

西江月

末笑上

莫怪吾家孟老也知徧國皆公些

兒不脫利名中盡是乞墦登壘長袖妻孥易與

高中仲子難逢而今不貴首陽風索把齊人尊捧

美笑舞走東郭的齊人英雄本色

厭離尚訕中庭的妻妾兒女深情

怨齊則隱於陵的仲子清廉腐漢

爭壘斷的王驩勢利先生

第二齣

人之所以求富貴利達者

破齊陣引

生青袍儒巾扮齊人

高算已空赤縣

孤踪尚困青齊妾婦名流兼金世界說甚清廉道
義笑餓士西山無氣色大盜東陵有面皮吾徒聽
不羈鷓鴣天落落男兒未有妻隻身猶爾滯全齊
泉世入無眼空談笑吾輩多才愈滑稽能變豹會
西攘鷄英雄那得效群黎他年衣錦歸來日應使
鄉閭共口提不佞齊人是也昔爲姜氏之齊今
東爲田和之齊齊一變矣未爲富貴之人且爲飲

食之人我何人斯普天下東西南北吃食吹笙
者皆爲咱四海兄弟盡宇內秦楚燕韓傍門依
戶者共是俺一家友生或在此或在彼真如千
百萬億之化身或在先或在後更似高曾祖禰
之一派未莫臨淄之雁久爲卽墨之鰥吐氣揚
眉是予後來之面目垂頭俯首乃吾今日之神
情彼一時此一時君子亦有窮乎爾爲爾我爲
我丈夫當如此矣由他笑罵固自豪雄死生只
命一條朋輩有齊庶士稷下淳于髡滑稽多智

東郭詩
里中王子教諧媚能容更有小友二人合之是
為四傑相與浪游街市狂走塵埃雖則一時暫
安恐非終身長策不免待他每來時再商出處
我想俺齊人如此抱負不知何時發跡也

太師引待雄飛海內應無幾縱飢寒心寬體肥奈
枳棘鳳鸞失勢儘榆枋斥鷃偏譏道胸中奇奇異
異怎年來流離瑣尾笑不了時人口皮分何年男
兒吐氣揚眉
前腔把先齊豪傑還援比釣竿兒飛熊渭涯痛羈

囚夷吾淹滯笑牧監甯戚寒微一般兒相投魚水
轉眼的勲名俊偉美高風鴻達可儀一任俺齊人
驥尾攀躋呀却早二弟來也
扮淳于髡王驩並衣

巾上

一剪梅

淳

男兒未際歎無衣空欲飛飛那得飛飛

更兼饑餓不勝啼心事齊齊人物齊齊

相見介

生

伯夷甘忍饑商山歌采薇

淳王

我輩病其隘

用是道相違

生

二兄我與你一貧如洗日不聊

生聚首一隅終非高見不佞想起來當今之日

賄賂公行廉耻道盡我輩用其長技取富貴如
拾芥耳焉能鬱鬱久居此乎淳王大兄言之然

也淳王甘忍澗商山淵采蠶淳王共肆其類

三學士

生

高節清風今已矣英雄須識時宜堪憐

街上惟餘我更歎閨中未有姬合念此青雲須早
致免塵埃共笑嗤

前腔

淳王

自古賢豪從困起吾儕應此為期而今

跨下無完袴他日街頭着錦衣

合前生

俺可就此

分袂前去各自求取利達母貽朋友之羞

淳王

旣然如此俺二人就此分別但大兄何以教我

生

吾聞規小節者不能成榮名惡小耻者不能

立大功惟去西山之面皮乃有東陵之氣焰耳

淳王

多謝大兄明教俺每就此分別

相拜別介

香柳娘望天涯奮飛望天涯奮飛相看短氣論先

資全在無廉耻

各拭淚介

嘆知交別離嘆知交別

離千里勉同馳十年作歸計

合

盼夕陽已西盼夕

陽已西相逢莫期倉皇揮涕

淳王先下生

他二人

已是分途前去俺不免改換行裝變易衣服執

荆藜以前進持筐篚而遠行咳這都是近來求
富貴的機關也改乞態介扮二小齊人乞態疾

走吐

前腔笑雙雙在齊笑雙雙在齊庸庸無濟有齊人

兄長堪依倚到如今傍誰到如今傍誰半後我甘

隨馬腹兄何及合前見生介兄長虧你兩三人丟

子俺小齊人去也生兄弟俺此去富貴便來看

你好自珍重二小哭介哥哥俺兩個是沒用的

花子你去了決是餓死也生舌在你口中脚在

你腿下何處不得衣食乎俺就此相別你不索

深悲二小既如此則索送大兄一程生二小並

走介

前腔為功名太急為功名太急衣裳變易從教諸

盡江湖味執青青杖藜執青青杖藜一似狗彘

還愁危也吠合前

十五止為名利走山崩孤身分手各淒然

丈夫會應有知己悠悠俗態何足纏共下

第三齣少艾

東郭言
憶秦娥

旦 艷粧扮二女上 人間少雙雙姐

妹紅顏好紅顏好幽居冷落深閨空老小旦 奴年

十五真真小春光提着手兒曉不堪花外一聲啼

鳥迴文菩薩蠻旦 早來春恨雙蛾掃小旦 掃蛾雙

盡恨春來早旦 鶯語怪聲聲小旦 聲聲怪語鶯

而寂寞空麗色旦 色麗空寥寂旦 腸斷欲昏黃

小旦 黃昏欲斷腸旦 奴家齊之二女先君姜氏

之裔不幸棄世之後止留下俺姐妹主人藉有

餘貲聊以慶日旦 奴年亦因旦 姊妹子正在三

五寂寞門庭蹉跎歲月如何是好小旦 姐姐俺

看王孫公子結駟連騎好不繁華俺與姐姐適

人須是這般人兒才好旦 你所言正合我心但

俺門戶荒涼姓氏未著恐富貴者不免棄之惟

擇一孤窮而倜儻者正自有富貴之日耳妹妹

你道如何小旦 然也旦 妾身與車前土

金落索旦 嬋娟體度嬌綽約姿容俏姐妹相隨兩

下鸞鳳杳東風翠翹步妖嬈三五年華爾正饒似

俺蹉跎歲月人應老死的埋沒容顏心轉焦何時

好歎青春十八暗中銷背介那能勾秦樓鳳簫明
河鵲橋雙雙的鸞鏡還同照三五平華爾五對妙

前腔小旦閨中兩寂寥花下齊歡笑只恐天歸不

得同歸了看王孫富饒鬪奢豪羅帕鈿車陌上挑

他纖穠玉貌應非少我窈窕柔姿只自嬌何時好

嘆青春並姐暗中銷背介那能勾蕭郎共招牽牛

共邀翩翩的吉士還偕老旦姊妹雖則如此所為

歸妹愆期遲歸有時俺則索等待時來便了旦

劉潑帽愆期歸妹終須好算三星可待非遙天桃

看取佳期早標梅會有冰人巧小旦姐姐聖人云

二女同居其志不同行似俺姐妹相得又未必

然矣旦妹妹你若有此心情我與你共適一人

何如小旦笑介

前腔同居二女歸期邈異同心鳩鵲雙巢大姨應

得謀蘋藻小姨聊可同綦縞

姐妹雖同居旦所志不同行

我願不為此旦效法在皇英共下

第四齣 井上有李

小生高巾破衣扮陳仲子上
吾友夷齊在首陽
只今留得姓名香滔滔濁世誰堪此仰止高風
去故鄉小生陳仲子是也齊君不義而竊國齊
人無耻以成風舉一國之人若狂卽仲子之兄
不免是以甘心于遜易姓爲陳借隱同志之妻
十居於陵之地因辟地以辟兄頗有同清之望
因辟兄以離母時懷陟岵之思室人辟纊小生
織屨萬鐘如從遠違朝市之風塵十乘可捐清
掬瀟湘之日月近來捆屨不足織作無餘因之

餓以三旬不復能爲一飽耳目若喪聞見如無
只索強捱幾步雖然餓死道旁俺廉士甘心也

北脫布衫避紅塵霞韻清孤坐青山雲骨蕭疎弄
白石跡寄樵漁倚蒼松游同豕鹿

小梁州覩他每盡日營營走穢途汎汎如鳧爭趨
顯者似奴僕全無骨應自愧妻孥

么俺因此呵孤身獨自奔荆楚卜於陵此地堪居
謝狂且離兄母借來室子老死在吾廬

上小樓飲河偃鼠無過滿腹俺可也女執懿筐自

鬻芒鞋飲食些須常則是夫婦每爲農學圃昔日
箕頰輩也於斯得趣呀十分餓得緊了可將何物

公療饑乎

么俺待要吸霜華飲露濡乘雲氣凌碧宇當不得

這枵腹空虛兩眼糊塗兩足趑趄况又這於陵並
沒却田幾畝何來稻黍夷齊兀的死山墟陳仲子
誰人及汝呀俺耳目雖昏鼻中頗聞香氣莫不是

天公未絕廉士也只索向前去着

匍匐

耍孩兒鼻中香氣來何處敢天帝心憐予苦神農

虞夏忽焉徂怯書生願與爲徒黜聰爲厭談諧聒
不見隨他伎倆殊我神凝注清芬自合俗物還逋

呀這却是井邊也井邊復有何物乎

五煞問清流何物乎井中蛙士大夫總來不掛巢
由目烟風蘿月無煩買流水高山味可咀他來脉
兒深堪取清清似我淡淡如余呀上邊乃有一果

乎此非不義之物可以嘗之

作嘗介

原來却是

一李李呵陳仲子於是下有緣暫屈爾於清人
之腹矣

東家言
四煞憐予苦似渠井欄香若敷須知此物非周粟
一時酸澁喉三咽數口清甘體半舒這滋味全無
俗人之所棄取不爲汚呀可耳有聞自有見也
良誰知俺廉士之命竟生於一李乎 視井介呀這
由井上却有螻虫在上螻呵得罪取百回出末和
三煞囑伊螻休怪吾非是咱奪汝餘偶然昏憤叨
卿俎黃泉不免慚蚯蚓竹實應堪 况與汝
同斯土鄉隣之義空乏應需俺不免入告細君免
其憶念我想仲子有如此之遭逢可知天生廉

士不偶然也

二煞報與他美且都這夫君可偶無天生廉士超
今古蛾眉旣使予心醉螻食還將我口餽這都是
天張王野人之味隱士家蔬香 豈與凡人不同
煞尾靜玩楚天霞閒成山澤癯看瀟湘雲夢還吞
吐想着我清操只一片首陽山石可語

第五齣

則將樓之乎

遶地游

生衣巾上

浪游曲徑踪跡真無定爲功名

四方馳騁資斧蕭然窮途清冷嘆英雄時兮未乘

四海無家只浪游飄零却似水東流
異兒若沒資生策長嘯塵中何處求
齊人散群以進望貴而投命之未
亨其人不過思量俺資斧既乏卽
次未定只索覓一人家暫爲逆旅
庶可以營求富貴守我些須越步
行來又是這般幽徑也
金井水紅花四海尋姬媵三齊誰
舅甥聽伐木响丁丁鳥嚶鳴友聲
相應怎似俺孤身逆旅未得味秦
盟嘆吾儕枉一生也囉朱唇玉貌
弱骨豐肌蕙質蘭心知何日雙雙
照鏡想那巫臣竊夏總是齊

人此行便那宋郎艷孔何異齊人此情從來游俠

偏有紅粧與暫下

遶地遊

且素粧上

齊姜本姓采采參差荇歎時光

柳殘花剩一種柔腸數年愁病怪容顏春來瘦生

愁來頻蹙兩眉尖總爲春風相滯淹幼女未知

心下事朝朝強我看銀蟾奴家姐妹孤窮婚姻

未定此逕從無人跡只索強行幾步以消悶懷

俺妹子年兒弱小兀自獨守閨中也

金井水紅花吉士人何在齊姬心早繫聽芳樹語

倉庚愧吾生關關不應甚日得良人雄俊相與吐
鸞笙枉教人淚偷零也囉親親未遇妹妹嬌癡姐
姐情深因此上獨來幽徑想那夷光困守何異咱
每此情想那陶朱閒訪未必他每此行從來淑女
偏苦紅顏命生上見介慢道齊東野真成越榮蘿
小娘子拜揖旦客官萬福生背介我齊太今日
遇仙也

玉抱肚齊人煞幸陡相逢西家美英乍驚他環佩
珊珊還看他羅襪盈盈趨前便欲問卿卿可是瑤

臺舊有名

旦背介

是何方俊雅偶然一盼便爾躊

踟天下有此多情之士

前腔郎君可敬負昂藏丰姿性成覷着他顧盼徐
徐還兼他襟帶青青狂童狂也太多情有女懷春
我未曾生向前介小娘子何方居住豈非齊之姜

旦

妾身姐妹二人先君姜氏之裔

生

果然名

族小生何幸得逢我卿敢問小姐已許人否旦
妾已十八尚未字人生卿既無家我亦未室倘
小姐不棄願言借老意下何如旦君寔英雄妾

非淑女幸締姻好寔媿我心生何言之謙也小

生明日便當央媒納采幸勿鄙我或有後言且

君子俺家便在此徑中不越數步是也願毋遐

棄之耳生小生怎敢去其美且之稱果然

前腔聆音細省俏喉嚨聲聲可聽看烟光織柳成

絲又東風剪草齊榮桃花回首不勝驚那得逢仙

忘世情生相逢一頃早教人心懷暗傾動離愁是落

前腔且相逢一頃早教人心懷暗傾動離愁是落

花風送春歸有子規聲標梅豈敢負深盟君若歸

妻須迨冰夕陽過西就此告別生敬當遣聘願俟

佳期

尾聲一時便把紅鸞訂且愧沒瓊瑤爾贈合他日

還當枕上盟生何殊范蠡來諸暨

且幸妾姻緣却還未生便復同行不相諱

合此身既已許君家生便復同行不相諱別

第六齣齊東野人之語

西地錦扮公行子東郭氏尹士各深衣幅巾上稷

下素誇佳勝齊東況聚名卿清談妙論堪人聽看

喙長三尺偏稱田駢慎到舌鋒長長在齊東闢講

西堂自是竊將餘論好共揮玉塵在荒唐公不佞

臨淄公行子是也東不佞東郭氏是也尹小生

尹士是也公俺與東郭先生讀禮多聞清談少

憇俺這齊東稷下向來是田駢慎到惠施公孫

龍一班兒羣聚高談喜的這尹先生正乃及門

高足今日約同開講看有甚人來聽也淳于髡

上

番小算口舌已天成緒論還竊聽王驪上試來莊

嶽拜先生學取些兒佞撞遇介呀却是淳于兄淳

子敖俺與大哥三人別後不想又會於此王小

弟聞得此中士大夫講學特來一聽淳俺亦為

此而來如此一同進見便了進見介公二君何

來淳小生淳于髡這是契弟王子敖久慕諸公

高論敬此竊聽餘談東野人鄙論竊媿大方既

荷辱臨敢藏醜拙尹先生俺每就此坐下閒談

何如淳三公請登高座小生輩侍立以聽

惜奴嬌公東稷下孺生早詞鋒無兩堪資談柄慚

余輩未獲門牆躬請私幸高足非凡講席齊推玄
風嗣聽不佞也只爲暫優閒聊戲與齊諧一訂

前腔

尹

閒評黃馬堪賡雞胥三足輪非蹶徑毛生

卯飛鳥何嘗動影想應雄辯高談惠子公孫多方

厮競休病不讀却五車書那能勾辯才無聲

公東

諸君古來還有多少異事也

聞寶蟾難明古跡堪微那堯囚舜偏何須深病更

來朝瞽瞍感然不定宣聖一言正大經千秋感不

寧更堪衡似這魯國名儒又主却癰疽筭幸尹老

先生豈但此老而已

前腔阿衡負俎調羹與羊皮牛口秦臣輝映甚鼓

刀誇呂披裘說甯還訂人情似犬情周聲遜夏聲

莫紛爭似着過泥詩書索向齊東釐正

淳王

竊聽

佳談頓開茅塞二生今日真幸會也

錦衣香謬悠語談天逞滑稽舌懸河挺甚倏忽分

王觸蠻爭境南箕北斗總堪憑公行開社東郭持

盟何處士尹先生齒牙餘勁壬子開茅徑淳郎鞭

影真堪西席何妨北溟

漿水令

合

觀臨淄犬鷄爭應儘莊嶽蛙蚓齊鳴嘈

嘈橫議耳偏盈楊朱墨翟慎到田駢借唾沫邀餘

剩就中暗把吾徒醒談和論談和論不妨偏逞名

和利名和利要得旁行

尾聲與君一話真成幸抵多少九條斷郢這的是

齊東野語索分明淳王別介承教了公東好說污

耳汚耳

淳先生妙論真不刊公衆還媿諸君義未安

王自此愈知游世術合割烹五殺復何難共下

第七齣

媒妁之言

字字雙

淨扮媒婆上媒婆却把兩緣擔重擔世間

惟我巧言談善探個中事體人未諳黑暗却教幼

女早逢男硬嵌自家齊東一個有名的媒婆便是

昨日遇一官人央我為媒說有一女在此徑中

不免逕入則個裡面有人麼

意遲遲旦上憶昨郎君相過探早是增傷感愁緒

復何堪閨中小妹還譏俺小旦上笑嫦娥空把悶

愁耽那兒郎恐怕心情泛旦何人到此媒人見介

位小姐是媒婆到此前日有一官人逢大小
於此徑中說道親口許他特央俺作我旦背

介那人真信人池豈昧哉許早是會會風波

集賢賓記前宵出門閉自覽陡逢伊好是懷慚那

風流浪子將咱探語悠悠好不情酣我傷心慘淡

竟自許問咱朱檻合紅顏減只為此粉慵花懶

前腔媒那郎君為伊深戴感央咱特地相探他翩

翩濁世風標湛是英雄好駕鸞驂你盈盈齒齒正

合配那青青橄欖合前

前腔小旦婚姻簿中應細覽俺姐姐只解清談陪

不得尋常俗物胡淫濫使不着暮四朝三卿須少

點詳說着蕭郎風範合前媒並不須疑俺說將來

大小姐自然理會得敢

琥珀貓兒墜軒昂眉宇端的是奇男一種多情兩

眼含不修邊幅會高談真堪好打疊鴛衾剪下春

衫

前腔旦聽伊摹擬半喜半羞慚好弄簫聲子晉巖

憑將青鳥寄鸞緘心耽更莫笑齊東待接周南

前腔

小旦勞卿傳語禮虔索深諳戎服憑教似子

南私親應得數刑譚情合這後範前模要得相參

媒如此別了明朝乃是黃道吉日那官人就入

那贅也娶夫如之何匪媒終不得下旦妹子我和

你一胞姐妹那忍先有室家今日雖爾應承不

免為卿快快小旦姐姐說那里話你妹子年小

豈可從容小旦姐姐說那里話你妹子年小

皂鶯兒旦為爾復愁合一胞兒我獨耽你春深不

免還悽慘空房那堪我雙樓自慚問嬌花果否甘

清淡小旦念奴穉齒婚姻未諳論奴心緒孤幃自

甘賢姐姐何必將咱探合慢私談秦公五女曾並

晉侯驂

旦有姐青年先許姻小旦小姨應是未成人

旦勸卿不必深相諱小旦他日時來自惜春

第八齣 綿駒

旦扮綿駒時樣衣服琵琶簫管上郢中歌白雪下

里笑巴人高唐有綿老一曲賽陽春自家非別

齊國中有名會唱的綿駒是也俺開口成腔轉

喉合拍不論風流子弟窈窕佳人或爲倚門賣
笑之資或作徧國吹篪之計都來俺處傳授嘴
皮兒可也呼破唾津兒可也嚙乾幾番要戒了
這事三日不唱便覺喉嚨痒了呀遠遠兩個小
娘兒來也扮二妓上未歌先會舞有色却無聲
自家齊東有名妓者大花風小兒風是也我每
姊妹家第一會唱纔鈎引得人心動俺索去綿
老官人家學一二套兒來此已是見介呀綿老
官人萬福了綿二位大姐是要學唱麼妓然也

綿少停一會待人齊了一并教你王驢上待試

穿窬術先傳乞丐歌自家王驢別了齊人之後
瓔下聽講一回頗悟涉世之術待把穿窬一試
匆匆未果今者來到這高唐地面聞得有綿駒
善歌雅俗共賞思量俺一身空之前進無資須
索學些歌兒沿門乞食却也便當來此已是他
門不免徑入綿客官何來王小子從臨淄來聞

得綿老官人善唱敢求指教一二綿却要唱甚
的王只上好新曲兒指教數套便了綿這容易

待我先與二位大姐唱來你二人先學兩個打
棗竿去 綿撥琵琶教妓唱介

掛枝兒小娘兒却待要從良罷恨悠悠待撇下這
琵琶幾番兒舊事難撇下那大娘兒不當要俺門
戶裏儘風華老寔的不從良再莫粧這般假

前腔小娘兒大半喉嚨啞唱將來有幾個到得家
遶梁音會的添聲價當筵真愛殺到處盡偷他但
得箇俏聲兒打也隨你打只將這兩調唱會了明
日又教你這位要唱新曲兒隨我唱一套寄生

草罷但得合簫唱來更好二位大姐可會吹寄
生草 妓 這倒却纔學會的 綿 如此却添巧我唱
你每吹便了 綿王唱妓吹介

北寄生草第一笑書生輩那行藏難掛牙賤王良
慣出奚奴胯惡蒙逢會反師門下老馮生喜就趨
迎駕不由其道一穿窬非吾徒也真堪罵

二第二笑官人輩但爲官只顧家牛羊兒芻牧誰
曾話老羸每溝壑由他罷城野間尸骨何須詫知
其罪者復何人今之民賊真堪罵

三 第三笑朝臣輩又何曾一箇佳諫垣每數月開
談怕相臣每禮幣空酬答諸曹每供御慚無瑕不
才早已棄君王立朝可耻真堪罵半羊只爲心結
四 第四笑鄉間輩更誰將古道誇盼東牆處子樓
來嫁儘鄰家鷄鶩偷將臘便親况股臂拳堪壓豺
狼禽獸却相當由今之俗真堪罵綿客官近來齊
國的風俗一發不好做官的便是聖人有錢的
便是賢者這是俺稷下諸儒田駢慎到所度新
曲專一笑罵此輩你可記熟了唱去王領教了

只怕學生後來早被他笑着了妓好嘴臉你難

道會做官不成王你識得甚做官的正是我輩

綿客官果是個中人只日後富貴時莫忘却唱

曲的日子宋曲

王 新音一曲問琵琶且喜得嬌娘幫襯佳

衆 爲問青雲貴公子齊此中聲調莫須差

第九齣則得妻

謁金門

且紅衫艷粧小素粧上梳洗罷粧束

十分瀟灑報道兒郎來綉榻芳心還復怕且尚

有合小姨未嫁權作小姑陪話合這段姻緣真可詫

一言親許下相見介更漏子旦試新粧凝翠黛妹

個米顏冷壞小旦嗟寂寞盼歡娛看看却有夫

旦眉自鎖羞難躲今夜如何則可小旦姐和妹

恨孤單今朝獨我寒旦妹妹昨與媒婆說那人

來贅俺則索花燭雙燒艷粧以待媒送禮物上

報道新郎到須將簫鼓迎太小姐那人來也這

是隨身來的贅物便可收小旦收介就勞

你贅拜便了小旦來早對媒婆說

女冠子生時式巾衫杜衣冠俊雅為姻親青藜拋

下相逢一話便央媒氏為予傳語那人肯嫁到介

媒請新人並立贅婿成雙旦並立介含羞非是假

見夫婿真來如何對答合並雙雙燭下齊右嬌妹

山東豪俠內鼓吹媒贅拜介與小旦拜介旦送酒介

錦堂月喜就兼葭歡調絲竹齊姜幸配豪華耀我

門楣笑把文鸞雙跨成就了百世良緣早圖箇一

朝撐達合傳杯舉看春日遲遲慢銷銀蠟

前腔生送酒介堪誇俺四海無家一身逆旅逢伊

東坡詩上二十一

憐取天涯姐妹雙雙粉面雲鬟相亞覷姐姐嫩蕊
可親望妹妹嬌枝如畫合前

前腔小旦無他為姐姐韶華姐夫禮意周旋錦席

朱紗相見何妨知是嫡親姻姪覷了他兩意綢繆

好教我一身羞怯合前

前腔媒如花二女嬌娃一人俊傑眉來眼去歡洽

一捻姨娘到底投他門下大姨夫終伴兒夫舊女

婿還為新姪合前

醉翁子生嬌姹覷姐妹每龐兒沒價與令姐相投

小姨終嫁旦羅帕今晚交加一點新紅綴玉

紗合同游耍願琴瑟調和弄璋及瓦

前腔小旦一搭做阿姨的如何說話便年紀無多

終須長大媒休怕又在伊家托熟伴羞自叫他前合

僥僥令生旦和風纔啓甲嫩蕊正含葩記取此夜

恩情如天大更漏再三擗新孔嘉

前腔小旦嬌鶯啼欲罵雛鳳笑微譁只恐他日

芳時也十八不免及時花將破瓜

尾聲生齊人喜得齊姓嫁中饋裏得人查察從此

東郭記
方堪做室家

自憐出世獨鍾情

媒

偶爾姻緣巧訂盟

旦相逢慢道初相識

小旦

昨日門前遇此生

共

第十齣

日懷其隣之鷄者

普賢歌

王驩賊態衣巾吐

謳歌講學煞匆忙悟得

穿窬我輩當帶巾不碍方逢人面不惶笑我這賊

衣冠偏用罔俺子教自稷下講學之後省得求名

小圖甚廉耻乎近來把高唐歌兒念熟了沿街賣

唱却也取利不多只得改做穿窬之賊爬牆空

壁頗是獲利所恨這城中鷄大頗繁夜來大是

不便前日綿老官唱箇隣家鷄鷺偷將臘我今

便試一試把這隣隣舍舍雞兒每日偷他一隻

一來免他夜啼二來充我饑腹且是受用昨夜

爬牆辛苦了今日起來早是午飯時候肚兒有

些饑了不免再撈他隻鷄兒煮煮

行介這家養

了十餘隻嫩鷄兒也被我五六月間偷了一半

今日看手段也

攘鷄介隣人赶上介

東郭記 上二十四

前腔何來狗盜太無良隻隻鷄兒葬腹腸今朝見
了賊原來是老王笑殺你號冠裳忒不像生罷了
被你識破了還了你罷只是你這隣舍家便請
我隻鷄兒也不為多隣老先生還說這話這般
沒行止勾當不是你這樣人做的王不是我做
待那個做他隣咳老太太這非君子之道也

玉山頽藥言陳上論攘鷄豈我輩行藏聽隣家詬
罵何安問清夜捫心堪愴况伊家模樣又博帶幾
冠廝像太覺風斯降請回腸幸把餘鷄惠赦報秋

窓王笑介老兄我如今改過不能每常日取三隻

以後月取一隻便了隣

前腔不須相謗論攘鷄比竊國田常祗緣咱盜小
無名還則是賍多受賞俺權依卿講但一月一鷄
充臟可也廉堪獎慢寬商把這餘鷄壁上任鳴桑

隣這等多謝了王這鷄兒我自持具人

爾小用則割鷄王自小盜則攘鷄

攘鷄何足論王冠裳盜不齊

第十一齣鑽穴隙

夜游宮 担土嫁得夫君豪壯會溫存更復情長所
恨情兒太廣偷覷姨娘粧臺邊梳篦並繡簾旁偶
爾相期共嫁他誰知自是查豪奢俱嫌有意窺
嬌妹打道男兒情易邪奴家自許良人匆匆好
笑於頗稱得意果是知心看他雖則孤貧要自終
無能富貴自春間成親來却是初夏天氣所恨他
前情兒太廣頗有竊弄妹妹之心俺思量起來青
日原與妹妹相期共嫁一人若果妹妹心允便
恐索成就也罷如今且冷眼看他兩下又作區處

正是郎君多薄行湯幃有二心

下生上

下生上

月兒高忽來天上幸得嫦娥傍含羞上床妖艷應
無兩有箇姨娘知趣長陪講嬌模樣令人懷想喜
吾妻不甚防新婚燕爾趣偏饒有個人兒還更嬌
前朝夕冷予長盼盼何時愛我復相招小生自費
他家以來又早春盡夏初矣撞着這等標致的
妻兒怎不愛惜又添一位俊俏的阿姨更自務
徑喫一看二可知冷人心痒所喜俺尊夫人賢
慧不甚隄防我因此得朝夕窺覷雜之戲謔得

此一姨方成二美他如冷半親半疎或近或遠
真弄得人苦也新夏初炎開得他時常洗浴不
免竊一窺之方見他內體的妙處爲愛鸞鳳好
幾成禽獸行暫都盡更紗衣針
前腔春寒已往新夏神情爽心兒暗傷不奈這風
清明怪那兒郎冷處來挑講他情兒廣令人悵快
我時時淚幾行知趣郎君真不凡爲卿淚點透羅
衫妾心豈不懷君子淨奈姻緣兩有妨自姐夫
來俺家後日日眼角相挑微詞半引我看他個

儻風神昂藏氣骨善爲談笑巧于滑稽當是不
羈之士知非長困之人俺姐姐也看得着也想
當初許聘之時原有共俺同嫁之意如今看他
朝夕光景真是難爲發付目下春去夏來好生
傷感人也昨才前前轉轉盡堂持到室那
懶畫眉想着他朝朝綉戶把人張眼去眉來直恁
忙恨當初不共效鸞鳳到而今可是難依傍只落
得一水銀河隔兩廂不與蘭
前腔見了俺親親姐姐日濃粧靜夜相偎共玉床

有時携手出蘭房不禁冷眼生凄愴妹自孤單姐
自雙冷日天氣覺暖不免蘭湯一浴俺生怕他又
出來張也須索把門縫兒都遮了素手不來簾香
肌浴蘭水暫下生作暖步止張介去曾來直
不是路爲覓紅芳悄悄輕輕過畫堂斜凝望那多
嬌可是試蘭湯張介呀在裡面洗浴哩解羅裳金
蓮倚處香飄蕩玉體窺時室渺茫尋方向那門邊
隱隱些兒亮鑽他明明鑽介鑽他明明張介呀却
早張得見了好有趣也

前腔仔細偷張膚若凝脂乳正芳翻銀浪纖纖束
素細腰香俊嬌娘如何不教人兒想爲甚偏將那
好處藏無由向他春羅半幅中間放沒些踈曠沒
些踈曠呀如何不再洗一會又起來了呀他敢待

出來也小旦披衣上

前腔浴罷新涼笑向粧臺試晚粧誰來往敢娘行
環佩我速趨踰見生呀是伊郎教人含笑歸羅
幌何事藏踪向綺窓生揖介姨娘告揖了小旦回介
他深深唱鞠躬而揖多謙讓意兒堪諒意兒堪諒

生 姨娘小生來次姨娘敢是洗浴哩只掛着

前腔 小旦 不在姨娘語語聲聲意態狂還疎

放道多時久立在迴廊 對 對伊行傳聞我

何姐應相謗只道俺為姨沒主張須深想奴非恁

女君非曠慢勞相訪慢勞相訪 生 姨娘不說罷了

些 姨娘如此說亦在也也有會言姨娘呵你怎知俺

我做姐夫的肝腸斷也半箇中間對對些親熱

園林好細說向聰明女郎俺為伊一身多恙日相

望怎心兒不想況值着這清晝永綠陰香黃鳥叫

紫薇芳 小旦 且受用些些果未且好綠針熱

嘉慶子 小旦 告郎君休把人錯快未知俺姐姐心

腸也須問如何情況雖則親女弟不須量也要賢

令政兩相商 小旦 且受用些些果未且好綠針熱

伊令 生 聽了你早朝細講可正是聰明沒兩則道

你將人輕相誰知你情兒醞釀若沒你姐姐頻來

便待將卿抱上床 小旦 且受用些些果未且好綠針熱

品令 小旦 笑伊狂婿直恁的意兒忙便就是佳期

報可也索要禮相將昔日承筐毫無爽問名納采

俺姐姐纔歸綉帳難道我不如他萋萋私談便嫁
郎令小旦笑母武敵直欲由意良非更放長去其
萱葉黃生我躬身訴向說與你好姨娘覷着你
首蛾眉覷着你螓首蛾眉兀的不心迷意恍花期
已往薰風正涼早成就百年中情好早成就百年
中情好休孤負紅顏趁此青春未央

玉交枝小旦期君心諫論婚姻終須酌詳雖然姐
妹無他講怕人情久有參商况奴弱質未堪霜望
君慢俟花將放且受用俺姐姐象床且放鬆俺姨

姨綉窓

且潛上窺介

么令

生

雖則卿卿不爽我這裏心兒怎降便就是

你姐姐艷粧便就是你姐姐艷粧齊國之姜可知
你是弱柳柔楊乳鳳雛凰一縷粉花香親姻婭人

良意長

江兒水

小旦

蓮葉看池長薔薇滿院香雙雙野鴨

銀塘漾盈盈紫燕泥梁唱翩翩粉蝶園亭撞早是
令人惆悵又可奈這浪子言長不免留他心上

下生揖小旦介

川撥棹非吾浪把親親只索強但但妳衣袂兒輕
湯但得妳衣袂兒輕湯不由俺心情欲狂是何時

解綉裳是何時捧俊龐兒家何事心粗莽笑你個齊人太妾可

尾聲小旦兒家何事心粗莽笑你個齊人太妾可

正是敗化傷風輕薄郎生抱小旦介姨娘成就了

罷小旦推生介醉怎這等忙麼推此窓前月應

為夢裡雲下生我看小姨十分心肯只怕姐喫

醋耳我想俺那妻兒賢慧定是相戒不免去求

他罷

纏卿不免一身汗齊人何日雙雙共跨鸞

令姐應知是賢達齊人豈知人世十分酸

第十二齣以利言也

霜天曉角扮田戴冠帶丑外扮從人隨上齊中衣

錦全為宗支蔭吾家仲子老山林落得一人富甚

齊邦今日已為田喜得宗支一派連清廉介弟

於陵去不義家兒蓋祿纏下官田戴齊之宗支

也以天潢之巧合更人謀之克臧官拜蓋大夫

之職母弟仲子迂僻為心矯才自好私其妻子

逃于於陵近聞他飲食不充聞見自廢因之匍
匍井土邀惠糟餘咳腐儒酸子何自苦如此乎
這也不在話下俺位居上僚職司取士齊國之
賢仰如山斗者久矣但俺原以財致貴故人必
以賄取憐如此者是吾門生不然者亦吾家弟
耳左右看有人請謁即便通報 丑外應介王驩
永巾包袱上

前腔盜泉慣飲積得囊中稔齊人似我實堪欽早
向朱門求應俺王驩別了齊人先輩既作乞人還

爲盜賊囊中積有百金矣聞得田大夫好財愛
得竟此自獻他家求爲小小官兒倘因此起家
從斯發跡那時纔見俺子敖是能人也 見丑外

介大哥通報道臨淄王驩拜見 丑外稟介田快

請 王入拜介王驩本國之人有志之士聞大夫

廣羅才俊故亦不蔽其微費聊備百兩之金用
充一茶之費願策名于門下或效職于官班是
望高賢敢陳先達 如看你言詞出世意氣超人
數倍才華十分學識可嘉可敬不佞卽當上荐

我君並升公室願通家之好如同氣之親相助
羅財毋私取士王敢不勉遵台命用效愚忱若
或負恩須效惡死王門下王效王燭王干王官王張王

皂羅袍

田

滿眼齊人識甚你擔囊揭篋寔獲子心

他孤窮反欲我捐金你賢豪更復來添錦當今在
士惟君可欽當今先達惟僕可尋王嗚相知好共把

這機謀任王

王恨王報王鬻王具王前王干王婁王是王指王人王也王只王丑王

前腔

王

喜得吾師細審果憐財愛得賄賂知音我

感恩應復效愚忱若忘師便可酬凶識俺門生發

跡你杯中滿斟若先生剩物俺頭邊畧簪望師翁

早賜我三分廕

田

願子如此我不敢忘明日就荐

你同升矣

王

這多謝老恩師王情王錄王矣王甚王道王不王

尾聲

田

銓衡久業少同心賢契呵人間似子聰明

甚且和俺後堂中把杯酒飲王

王飲王不王飲王十王分王飲王飲王

也知才學獨君高

王

可識吾徒是俊豪

道德文章且休矣

王

銓衡夫子在錐刀

第十三齣

王

大小王則王青王龍王驥王眼王猶王甚王

掛真兒

王

俺的郎君情太厚把小姨絮得相投

夏

上三十三

性鮎肉子賢哉仗決狂池近日衷情憐否相親

南鄉子日新荷四月天小院清清籠翠烟郎君

偏爾能知趣身邊徃徃來來倚妾肩生恭敢為

卿言有個人說我亦憐筭來不是交情者嬌然

共渠與卿卿共久眠姐姐俺承你十分寵愛同衾

共枕好是歡娛但生還有一樁心事久欲見

憐不知肯否旦笑介此身已許君矣有甚的不

早請來生如此生稟出願母深罪我的娘我為

想你的阿妹害也去主陳生更生管生四生

三換頭向粧臺妄求為伊家閨秀自知非偶奈心

情已投這一樁婚媾與卿卿可正是連枝並頭兩

下情都有三人成好速他年少含羞况妹妹招夫

敢自由生共生其生今日齊人生果生太生珠生珠生兩

前腔旦何須訴休知君已久我容顏愧醜應把姨

娘解愁他閨中之幼望卿卿須念着身裁嫩柔可

是三生就應他兩意投早與綢繆不索郎君暗裏

偷郎君俺就教妹子梳粧易服與恁今日成親你

意下何如生既蒙賢妻許俺便遲數日何妨旦

你心中等不得眼前恁說此話待我進去與他

俞梳粧易服便承願為皇與英國心事君子承

畏天垂有如此賢慧妻子乘朕齊木真造佳也

賦介姐妹海可快些麼但小旦謝謝詞拜拜

滿江紅小旦我有姐姐全不如為爾成就許妹妹

洞歸君子共操箕帚生今日齊人福果大紅粧兩

兩扶衣袖旦合人太雙白璧付郎君君知否內鼓吹

日贊拜拜介拜謝謝主婚并拜謝媒太

生笑介總是拜罷新郎與不得辛苦且既如

此免你罷請進合巹之酒生今夕何夕見此榮

者

賀新郎偶爾閒游遇卿卿一時成偶又逢他綠衣

嬌秀相挑逗還着你賢姐為媒鵲引鳩看今夕三

星恰湊解羅帶鬆衣卸笑問我誰情厚合兩姐妹

同消受

前腔旦覷爾風流道尊姨一家骨肉逞風情暗中

相誘伊年幼也似俺姐姐當初不自由今日個同

床共宿無嫌忌相前後笑飲盃中酒合前

前腔

小旦相好無尤在閨中雙雙聚首怕子歸不

能相守今依舊待學個肅肅宵征抱爾稠也只為

那風魔顏厚恃伊善欺儂幼日日窓前走

合前

節節高

生相將夏日游咏韓攸祁祁美姊如雲奏

家貲有內閫修專房又看茂萱翠暎眉山秀更榴

花紅妬羅裙鬪俺何緣却與粉香謀拚將老向温

柔宿

前腔

二旦相親復自羞為情柔小星江汜重歌奏

須心厚要恩稠還意守莫于姐妹分新舊莫因容

易成虛謬俺一家為甚兩相投你心兒索要思量

透

尾聲

生帷簿從教謗不修這姊姒須知古有抵多

少大小夫人醉盡樓

子兮子兮如之何

旦見此粲者為情多

小而今不用相違避

生也是愚夫小老婆

第十四齣

先名實者

番卜算

淳于冠帶僕從上

稷下士名髡寸舌能為

隱一言半語合齊君富貴須臾瞬獨我生來巧舌

尖君王有意會微規一言却教龍顏喜此種機關大是鈺俺淳于髡生成滑稽絕世目別了齊人大兄去聽諸生閒講倍覺長我詼諧助予游戲昨者來此都下聞得個君王喜隱好爲淫樂沉湎不治百官荒亂諸侯並侵國且危亡在於日暮左右莫敢諫之俺思量起來俺不過稷下贅脣耳何畏於死況俺之舌頭原自辯捷又何畏不行半前日竟入見君王說之以隱語曰國中有大鳥止王之庭三年不飛又不鳴此何鳥

也于時君王省悟了便荅曰此鳥不飛則已一飛冲天不鳴則已一鳴驚人乃召諸縣令長七十二人誅一人賞一人奮兵而出諸侯震驚皆還侵地君王大悅歸功於髡拜俺主客之職一霎時早富貴也

九迴腸也則是君王喜隱一言兒便愛臣髡談言微中人情順虧這三寸舌口內猶存雖然七尺長不滿爲問三齊誰可倫俺淳于真是千人俊兩三言解却人紛却教俺齊中大鳥冲天舉嚇得那泗

上諸侯掩耳聞這齊東郡能勢利趨炎熱看朱履
客早晚好盈門

生查子

王驩冠帶僕同上

窮命喜逢春好友齊交

運投刺特相親結綬堪同奮俺王驩受知田大夫

已拜官爵近聞得淳于遇主陡致亞鄉原是俺

貧時舊友既已同升合應交結特此進賀左右

通報

衆稟淳接見介

聞子敖高選未及趨賀何

當辱顧

王

好說弟兄每今日同升小弟十分私

慶凡百長兄清目

淳

自當彼此同之只齊人大

哥尚無消息不知羈留那里

王

此兄自會逢時

不消得長兄過念淳于兄你道如今做官須是

何等方好

淳

子敖何須問得只像兄這等面孔

便儘意做得去了

王

依小弟愚見第一要銀子

多的便爲美缺

黃鶯兒

淳

喜共步青雲宦途中大不羣只花斑面

孔堪相諱官精是君官行莫倫好教行老官兒運

慢縈神弟兄遭際尚有老兄貧

前腔

王

幸得列朝紳舊知交豈別人雙雙幫襯能

東郭記

上三十八

升進休題士民須爲子孫從教老却職官鬢慢間
論從來好缺美的是多銀

王自幸官星好官自許莫君王爲寵愛

淳還思貧賤交貧何時作寮案

第十五齣

其良人出

生破衣持棒作乞態上

吾儕原是真英傑得此

嬌花共歡悅姐妹雙雙不相妒夜來含笑吹燈
滅俺齊人半年之中得他姐妹紅衫兩整秀眼
雙拋姐姐賢而雅妹妹慧且嬌俺可是受用也

但俺與王驩每兄弟相別原爲求彼利達不宜
戀此好姻今日暫且出門行游以觀世態棄頭
上之巾執手中之棒又是當初打扮也

二犯江兒水英才游宦俺是個英才游宦止爲着
些個趕喜幽居深巷弱蕙芳蘭識英雄丟嬌眼姐
姐秀堪餐姨兒更弱孱鸞佩珊珊鳳履鸞鸞這歡
娛士夫每還則罕孤身有鰥熬殺俺孤身有鰥相
偎彼粲喜的個相偎彼粲出門游爲功名兩字間
早來到大街上也則索向朱扉以投望盡閣而

進圖個醉飽充我肺腸你看街市上酒肉好香
人也
前腔朱門玉饌待乞那朱門玉饌又何須言拙赧
想驢腸鴟炙兔首熊蹯滿華筵多奇產俺乞食效
昭關男兒自厚顏青竹爛斑破袖翩翩這形容在
吾徒應不罕橫襟縱看請諸兄橫襟縱看一街討
飯滿目中一街討飯笑衣冠那人兒應自汗那一

個與俺些酒肉兒麼呀那人家正請客哩
舞疾走介
執棒

北對玉環帶清江引此際雲鬟閨中正自閒媿我
孤寒人前笑有攀一眼望銅環筵中想已闌不用
門關無多求爾餐況復餘殘何須復吝慳晉家公
子方蒙難險阻誰青盼多將擲塊來那復堪壁反
想那餽盤餐僖大夫千古罕

第十六齣 他日歸

杏花天 陳仲子傘袂上俺是個齊國之廉對夷齊

應知沒玷只家兄見我憎嫌論家慈頗自愛咱清
檢一別慈親已數年教人陟屺一潛然為斯復走

齊東路回首閨中獨自妍小生幸藉糟餘得全
微命思量高堂老母時時不忘想夷齊孰養文
王猶然暫離北海况仲子歸寧母氏何妨再入
東齊前日別了辟纊之妻早過了許多山水也

山坡羊想生平清名雖占為慈親終朝言念別於
陵暫赴臨淄道途中並不宿三家店養清恬步步
有人瞻鞠躬踧踖踧踖還如歉回首荆蠻吾家嬌
艷纖纖為我遙征悶緒添懨懨為憶行人淚雨淹
行路倦了不免暫息片時 扮二盜上
盜距親支

派莊躑躅友朋俺弟兄兩個剪徑為業數日生
意不濟纔方尾着一書生背着包袱就中量有
物在內不免劫了他去呀可可還在此間漢子

留下行李 陳大王小生是陳仲子別汲甚東西
奉敬 盜我那管你仲子不仲子快將行李來 陳

俺仲子真窮命也

前腔怯書生窮形堪驗那些兒隨身書劍 呈祿介

大王請看一些些麻縷粗鞋破茸茸舊布單衾欠
犯台嚴休將羶行兼那莊躑躅遺臭遺臭千人厭何

似儒酸甘心寒儉盜腐儒莫多說陳休嫌敢學尼

山編虎髯盜再說就一刀殺陳還謙敢把窮肝

膾斧尖盜活活腐儒饒你去罷陳斃殺兩強盜為遇

一儒酸下陳又遇此二位擔閣了半日天

色已晚趨行幾步

暴客陡相值夕陽忽已晚

向日進臨淄日暮途還遠下

第十七齣與之偕而不自失焉

搗練子生執杖乞態上郊以外暫游之龍蛇之蟄

未遭時慢自道男兒終若此丈夫之未際不免類

餓殍執杖問何之踪跡故矯矯塵埃不知我應

復為予藐縱步天壤間吾志原不小齊人乞食

市中杖藜郊外皮相者謂我乞人肉眼者笑予

無賴惟有室人不知終日雙雙款拜因此愈益

風騷自覺神情豪邁今日只索郊外走一回也

步步嬌俺是個未際英雄天之使弄得窮如此飄

零寄一枝天作之合新婚燕爾想他姐妹兩西施

俺齊人只索為情死呀遠望着一腐儒來也陳仲

前腔久矣於陵相棲止爲甚閒來此爲看陟岵詩
我意傷悲劬勞母氏雖然避地遠臨淄又道的箇
我母還思子

見生介

老丈告揖了

生笑介

何處豎

儒向乃翁作揖乎

陳老丈聽稟

六拜因出會終

孝順歌吾翁丈聽鄙詞俺十居楚荆非一時間余
安所之舊家還相邇老丈莫怪我說你執青青竹
枝托翠翠花瓷豈丈夫之事你指望人施只恐怕
還蹴爾勸你須改矣莫勤斯我非他於陵子

生笑

介原來食糟餘的陳仲子就是你怪道如此模樣識時務者謂之俊傑你豎儒焉知時務乎

陳

小生狂言還請尊教

生

聽俺道來

前腔聞卿久纔會之果然而顏酸若斯伊兄良可
師如卿不堪齒你撇哀哀老慈戀款款嬌姿豈獨
非人子你試一深思可道是今堪死我也深愛你
故孜孜我非他齊人是

陳

原來是齊人老丈承教

了其人不甚非其言亦大是

下生

這腐儒去了

滔滔世中應是難得此輩令世皆若人吾又何

必喬粧至此乎不免歸語妻孥爲之笑笑

世人如君是丈夫亦大滔滔濁世不應無

吾非故爾輕談笑只爲而今不重儒

第十八齣出而哇之

田戴共母夫人僕從上朱門榮戟獨陰森齊國

之中人共欽高堂不免多長嘆難轉於陵游子

心俺盖大夫田戴是也與母親享萬鐘之祿安

簪纓之貴願是安樂奈家弟未歸下官不免有

在原之歎俺老夫人不免有子季之思耳母我

兒我憶念仲子昨日夢他來家好生歡喜今朝

只你在前好生悶鬱也田母親且自寬懷倘仲

子或有歸來之日也未可知老僕上既作蓬蓽

人何來朱門裡稟老爺二相公回來了田母回

來了謝天謝地母你見誰說來僕小的見街上

喧喧嚷嚷說廉士來也故此知二相公歸了田

快去門前俟候來時疾忙通報僕應下陳傘祇

北醉花陰爲甚麼離却衡門赴青瑣好幾日奔馳

道左俺長領却那烟蘿走風塵好是難過便待回

西山臥

僕報介

二相公到了

田

接介陳打躬介哥

哥久違了敢勞着你這錦衣哥早則是出華堂來

接我

共進見母介

不孝兒久違膝下望母親恕罪

揖田介

長兄拜揖

母

我兒這幾日想殺我也你

在於陵可好麼

陳

托母親哥哥之福幸爾粗安

孩兒因記掛母親故此不遠而來

母

生受你了

陳

哥哥嫂嫂好麼小弟造次不敢請見

田

不勞

了 母親陳介

我兒直恁餓的瘦也

畫眉序 吾已鬢成皤見汝容顏更摧挫歎齊荆途

路遠隔烟波你餓三朝幸藉蟻螬怎生只兩口未

甘藜藿不然怎的形容弱好教我肝腸如割

陳

這

是生成如此不必過慮孩兒倒忘記了你小媳

婦沒有甚孝順績得麻兒半斤聊充母親一線

之費

對田介

長兄小弟窮苦也沒甚相敬所織

粗鞋一雙奉土

解包取送介母田

你那里來路

好要你的還自用罷

陳

這是我與娘子一點薄

意定要笑留

北喜鶯遷窮困兒並無奇貨只些須自愧微薄娘

東下已

上四十五

也麼哥這履兒是男親做這麻是你媳婦將來孝
阿嫂雖輕約也是俺夫妻生活望尊親鑒此如何

母笑介 既如此哥哥可收了他的僕提鸞上先

來一條曲蟾後送一隻肥鵝稟老爺王驩大夫

送一隻鵝在此田收了他的陳賊眉介哥哥收

這東西做甚丈夫寧餓百死惡用是駝駝者爲

哉田笑介賢弟我每士大夫交際豈止一鵝況他

既送來却之不恭矣田

畫眉序收此未云多田葦簪纓禮儀大有金珠錯

落璧玉嗟峨你高隱輩雖則嫌憎俺士夫每常收

些個卿來無物爲卿樂權把做一餐消餓陳俺眼

也不欲見他況於食之乎田笑介陳哥哥你尚

不知你阿弟的苦操也田

北出隊子想着咱清操頗頗考槃間獨晤歌若是

出於陵俺駿也不駿只俺夫妻一口水兒嗑呀這

駝駝之聲好是聒田明日公行子家開靈士夫每

約同相弔待去備辦禮儀兄弟且暫坐一坐再

來陪話下母叫院子可將這鵝宰了僕應下母

我兒不道你這般瘦了你不來也罷你既來了

俺做娘的怎看得你過今日可可怕的送這鴛來

便宰了請你陳母親再不要如此孩兒就去了

母你不要苦違了老娘這點意思便嘗也要你

此一嘗

滴滴子勸我兒勸我兒須當允諾從母命從母命

有何不可也消得你遠來口渴陳搖頭介這實難

從命母難道你母親言都厭我央殺你仲子孩兒

聽娘攬掇僕捧熟鴉上介母我兒可趁熟喫些也

使我老娘歡喜陳接介俺陳仲子若非從母之

命怎食此醜醜之肉乎

北刮地風呀一霎時鼎中調席上羅好教咱幾度

沉哦是萱慈再四央着我須不似鼃汁招訛較不

比羊頭伏禍俺只得唇外微過母兒是必嘗一塊

纔是孝順的兒陳定要兒嘗也麼可教俺奈若何

真逼勒的無方躲也索盡些些沒柰騰那只怕陡

遇着俺那官哥田上陳忙迺介田指介

雙聲子腸兒餓腸兒餓一口的還偷撮言何左言

何左一眼的輕瞧破沒處躲却怎可却怎可笑靈
龜舍爾朵願觀我陳慚介大兄責之有理俺陳仲

子真沒得解說也走介

北四門子猛然間熱語間提掇唾介唾唾唾唾出

他這片鵝好教咱嘔的肝腸脫他在喉嚨可也還

未磨好也唾出來了母出哭介我的兒朝着風這

樣唾便喫這一塊也不做肉陳喫也幾何唾也沒

多却教老親娘放不落俺臨風唾俺可也把眼兒

慢抹肚兒慢挪這的是福消不過母快取茶來與

二相公遞茶介我的兒呵

鮑老催淚珠兒掙墮生刺刺敢搥的咽喉破是哥

哥不合來相聒是娘親愛惜他生來禍一杯苦茗

休推托口中酸氣須搜括且將息坐一坐陳放茶

鍾怒走介

北水仙子呀呀呀俺來甚麼險險險險把俺半世

清名累的訛母扯介陳苦苦苦苦的這白髮漣漣

想想想想着俺紅顏娜娜怎怎怎知咱遭此磨

可可可可不如并李也多去去去去依舊於陵老

薛蘿再再再再來朱戶親花萼揖旧介拜拜拜

拜別了你這好哥哥欲下母扯介我兒便要去今

朝去不得也

雙鬪雞癡兒忍割娘心似挫便去於陵怎麼怎麼

把娘親濶且須擔閣暫留將家裡臥陳既如此孩

兒暫且歇下只久別了於陵也

北尾碩人適松桂雲應鎖嘆介俺好一似舊蘇秦

遭摧挫從今歸去呵須老死在陵阿再不向這蓋

大夫門下過共下

第十九齣吾將贖良人之所也

駐雲飛旦小旦上嫁得多才日日街頭去復來欠

了俺冤親債不奈他風情大乖笑對俺兩裙釵十

分恩愛消受他款軟温存好教俺羞無奈姐妹雙

雙眼怕擡旦妹妹良人自夏中與你成親後又不

覺仲秋來矣他日日醉飽而回好是風情蕩漾

俺姐妹每也當不過這浪子也還有一件他朝

朝醉飽未知何來今日回時須問他箇端的倘

有勢交貴友也是俺為妻小的榮耀也小旦待

他來時問他便了生禿頭披衣作醉態上

前腔破帽丟開又作翩翩美俊來小旦迎介郎君

同子生小的前來拜大的人何在樓小旦介孩愛

你小身裁把羅裙索解旦出笑介可又醉了生揖

介俺將伊令妹偷親你休要心兒怪旦笑介可是

怪哩生一笑知卿不介懷生倚旦介

前腔旦故意相挨為問卿卿何處來怎不把巾兒

戴直恁的風魔態生摸旦懷介且歪何處錦筵排

將伊留在弄得你酒興顛狂活把人兒害試屈指

良朋笑口開

前腔生俺一品人材盡處交游富貴來相與的皆

冠蓋邀飲的都豪邁旦是那幾位顯者呢生猜齊

國幾人哉晏嬰不在便那管氏夷吾他可也違時

代一生閨中女酌裁

前腔小旦俺對語粧臺兩兩何曾出戶來不似你

常游外那里問三千客歎怎的為伊猜瞞咱索奈

只看你言語支吾未必交游在料得相知也有涯

前腔生醉矣難捱快抱衾裯上榻來苦為這賢豪

他來時問他便了生禿頭披衣作醉態上

前腔破帽丟開又作翩翩美後來小旦迎介郎君

同子生小的前來拜大的人何在搜小旦介孩愛

你小身裁把羅裙索解旦出笑介可又醉了生揖

介俺將伊令妹偷親你休要心兒怪旦笑介可是

怪哩生一笑知卿不介懷生倚旦介

前腔旦故意相挨為問卿卿何處來怎不把巾兒

戴直恁的風魔態生摸旦懷介且歪何處錦筵排

將伊留在弄得你酒興顛狂活把人兒害試屈指

良朋笑口開生

前腔生俺一品人材盡處交游富貴來相與的皆

冠蓋邀飲的都豪邁旦是那幾位顯者呢生猜齊

國幾人哉晏嬰不在便那管氏夷吾他可也違時

代一任閨中女酌裁生

前腔小旦俺對語粧臺兩兩何曾出戶來不似你

常游外那里問三千客歎怎的為伊猜瞞咱索奈

只看你言語支吾未必交游在料得相知也有涯

前腔生醉矣難捱快抱衾裯上榻來苦為這賢豪

愛也只爲交情大咳我未際困塵埃他故人情藹
消受他鳳髓龍肝我寸舌應嚼壞愧沒歸遺兩女
才我睡去也旦扶下復灶

前腔好是疑猜常道豪華席上來又不把名兒賣
胡亂將言詒唉他覷俺似嬰孩大言相駭果是他
顯者相投應出形骸外怎不高車辱顧柴

前腔小旦慢爲差排試與夫君共去來識破他生

平態自沒得胡遮蓋挨今晚且寬懷明朝先待踪
跡相隨看甚樣人兒采判取這多情才不才旦妹

妹言之有理你年紀弱小且自在家待俺明日
早起隨他便了今夜你可陪他睡去

敢避五更寒 明朝早起看

爲愛情親極 閨中不自安

第二十齣蚤起

七娘子旦持燭上清秋早起羅衣顫爲良人盼望

心穿玉漏將終明星猶爛淚痕界破殘粧面小重

山八月秋風起嘆吁通宵愁不寐意何如寒蛩

唧唧似憐子粧臺露冷一身孤奴家昨日與妹

妹商量，攔我良人一夜等不到曉，只索燃燭梳粧，隨他踪跡也。梳粧介

漁家傲 爲甚麼曉絕梳鬟八月天，對着這玉露商
颺繁霜冷，烟如雲鬢髮粗粗展，蛾眉低偃也。只索
垢面蓬頭淨洗，朱鉛生恐，怕窈窕風姿兒炫。
市廛頭已梳完，再把衣裳易換了。易衣介

剔銀燈 脫下了輕羅細絹，早換上粗衣一件一搨。
搨腰係着一絲絲裙兒，旋一丢丢脚用着一星星
綾兒纏。嫣然還須小扇，一路上把紅顏遮着半邊。

我想此一出門，若良人果與豪華爲友，也不枉
俺一片心兒。倘有不然兀的不羞殺俺施從的
妻子也。

擲破地錦花，好難言。只願得朱門宴，便早早旋待
傳向俺在室。嬋娟若或差池，怎不埋冤好姻緣。恐
未必出人前呀。天已明了，他將次出門，俺索隨他

去也。行介

麻漣子 良人良人將出戶，知卿何處延室子。室子
相隨步爲君，不自憐。內家誰共外廂，騫恨儂早不

將伊勉如今呵秋風蓮步離庭院抵多少繡被日
高眠下頁人只人挑出以收神所志以室下室下

覓得男兒諧白首 出門日日豪杯酒

未知果否好知交 妻子相隨簾外走

第二十一齣 編國中

出隊子

田大夫僕從上 春秋合渙春秋合渙日月

雙輪疾似丸素冠聊擬棘人樂蕭索西風墓木盤
慢薦蒸嘗淒淒夜漫下官田戴今日乃清秋節屈
隕霜殺草爲子孫者有先祖之思先塋却在東郭

之外只向前去祭也慢薦蒸嘗淒淒夜漫下

前腔

王驩僕從上

先塋親灌先塋親灌地脉培予

已做官從今齊國重王驩一路鏘鏘鳴遠鑾風景

依然青山碧湍下官王驩便是前日進賄於田戴

聞之吾君拜爲大夫之職俺子教是箇能人百方

媚主當今極爲寵幸思量起來此皆俺祖宗之福

也今日秋祭之時只索東郭一奠以盡俺心家僮

前面輿馬是誰家的僕便是田大夫老爺王既是

田老師讓他前去風景依然青山碧湍下

前腔

生乞態上

荆條木益荆條木益名利場中儘

意搬雕鞍繡轂與盤桓要路關門揀着鑽且自豪

雄城東一歡你看紛紛秋祭的都往東邊去了俺

索跟他一游且自豪雄城東一歡

下

前腔

旦走上

暫離朱幔暫離朱幔嗟彼無良涕淚

酸那些口裏士夫團出外原來醜行完覷這行藏

紅顏命拚奴家早早尾他出來誰知出了門兒便

作這般打扮咳我姐妹好苦怎生嫁着這樣的人

且自遠遠的隨他看又做甚的勾當也覷這行藏

紅顏命拚

下

前腔

生上

危樓飛觀危樓飛觀半掩朱簾隱鳳鸞

呀却早雨來也

遮頭走介

白雲一片出烟巒秋雨

沾衣風帽寬

向內拱介

列位長兄請了呀他公然

不采還指着俺罵也咳汝輩豈遂勝我乎妄自尊

高同吾一般

下

前腔

旦上

為君腸斷為君腸斷徧國無人青眼觀

還誇飲食盡衣冠終日空將妻妾瞞步步難行雙

眉自攢咳罷了分明嫁了箇乞丐且隨他到東

郭看待如何

丈夫不成器

兒女大傷心

第二十二齣

卒之東郭橋間之祭者

田僕上

早到俺墳邊也

王僕上

早到俺墳邊也

王見田介

老恩師拜揖

田

賢英政亦來祭禮麼

王

然也聞老師令弟亦已歸厝怎不同來

出他

矯子太過不屑同來

王

原來如此俺每就此祭

祖既灌之後共

早祭餘家僮可把禮物擺下

衆

動樂器祭

今王上

早出了東郭到此逢聞也

我想徧國之人俱勢利小人耳焉能物色我於

塵埃之內乎呀那兩箇貴官却已祭祖也

衆祭

畢介王

老師我每可就此共享餽餘猜拳行令

王田飲酒介生近前介

呀那鬍子好似王子敖

他怎麼就得到此况既是子敖怎生不認得我

可是狀貌偶同不足介意一路遠來饑餓不免

向前求些祭餘者

向王田介

老大人可把俺此

酒肉充饑者

僕罵介

呸花子我每還未受用你

便來討喫哩

生

呀這些家僮大是欺人也呵

北新水令風塵寥落自興嗟嘆齊人傷哉貧也骨
綠金氣老恨向楚天賒對景淒絕倍教人壯心烈
步步嬌旦上看秋容一片荒郊寫盡處霜紅葉愁
來不可遮滿眼蒼山粧點出兒郎劣羞他廉耻沒
些些對野花黃蝶增悲咽你看他立於祭者之旁
多是乞其餘矣俺且遠遠的睨着他生老太太
我肚兒饑得緊了快賜與酒肉者

北折桂令您可也是三齊兩位英傑須念俺不速
而來興致豪俠雖然你受用華奢有的是流蘇錦

帳油壁香車須索把孤寒提挈方顯得富貴超軼
不是俺饒舌不是俺言邪只足下可早些兒成業
與不佞也不甚差迭田這花子却是箇風的不要

多說俺賞你酒肉去僕與介兩三塊鵝肉賞了

你去生接食介酒也賜兩鍾麼田再把酒與他

些僕與生飲介且虧他一口兒喫得下也

江兒水齷齪齷齪虧他咽膾臄臄怎下舌這般口嘴
真不潔這般態度真無藉也教人兒替你爲妻妾
想着俺伊前風月好是羞慚祇爲箇乞人周折生

再求這一位大人賜些王你也勾了生當得甚

真的你這大人模樣我有些認得你王你認得我

我却認不得汝俺富貴的人便親知故舊那一

箇看他在眼睛哩生笑介俺又有甚麼人在眼

中乎肚兒儘是未飽索與俺酒肉者王家儻省

得他纏俺也與他些去僕與介造化你又是半

碗雞骨頭一瓶老酒生接飲食介

北雁兒落帶得勝令領了那老大人鵝半截又待

領這老先生雞一碟不是俺做男兒圖口舌可道

你做尊官有交接想着俺好賓朋素俠邪指望你

賢主人休拋撇為甚麼把諸兄酒肉賒可道俺享

子孫的春秋節權把俺做了您祖與爹權把伊做

了俺枝和葉瓜瓞您為俺享祀兒能豐潔非別這

是咱血食兒不應絕眾僕推介花子醉了胡說亂

道怎的旦頓足介你看他憑人推拽好是沒氣

魄也

僥僥犯看他箇扯去推來身半斜要人憐無多說

陪着臉粧聾作呆那心情太劣只貪這口酸膿血

憑他扯得皮膚裂好教我恨着他還爲擔疼熱生
那盤中還有許多剩下一發把子俺罷田王真
真可厭推他開去 僕推介生怒介

北收江南呀眼前尚未辯龍蛇休把我便摧折一
會價人兒做兩截前番恭敬總虛竭恁悠悠可嗟
恁悠悠可嗟您可也爲德不卒未豪奢 僕推生倒

介旦 苦直推倒也這賤骨頭呵

園林好在家中將他愛也又何曾輕湯半些似這
樣的一交橫跌敢捏得手兒癩敢撞得脚兒折生

持棒舞介僕

還不去生這青山綠水都是你家

的麼

北沽美酒帶太平令這的是古今來相共者這的
是古今來相共者須不是您兩家的私產業觀了
這古塚纍纍白日斜那些個久驕奢可是沒方法
把春賒看蕭蕭白楊丹葉狡狐兔穿透了荒穴莽
牛羊踹踢了殘碣你呵誇甚的豪傑大俠到斯時
存耶否耶呀笑殺了齊景公牛山鳴咽 舞棒下田

王 這分明是個風子倒被他攪這一場家僮每

快些收拾回去 衆應介王田土車行介

清江引暮光又早生新月野曠西風冽狂夫直恁

邪心喪應難說俺且歸臥紅粧談笑也 共下世人

之無良我以為夫他已是爛醉去了這兩個官

兒也去了俺索從舊路早赴家中說與妹妹知

道

尾聲他在家可是心兒熱指望他做嘉賓歡悅又

誰知底樣兒郎難訴說 下

東郭記上卷終

東郭記目錄

卷下

第二十三齣 與其妾訕其良人而相泣

於中庭

第二十四齣 頑夫廉

第二十五齣 將有遠行

第二十六齣 妾婦之道

第二十七齣 丈夫生

第二十八齣 為人也夫

第二十九齣 與之大夫

第三十齣 鬱陶思君爾

第三十一齣 而獨於富貴之中有私壟

第三十二齣 斷焉

第三十三齣 右師不悅

第三十四齣 讒中

第三十五齣 托其妻子于其友

卷第三十五齣 為將軍

第三十六齣 戰必勝

第三十七齣 為衣服

第三十八齣 詔

第三十九齣 妻妾之奉

第四十齣 百工之事

第四十一齣 深想其妻妾不羞也

第四十二齣 所識窮乏者得我與

第四十三齣 殆不可復

第四十四齣 由君子觀之

第四十四齣 由香子購衣

第四十三齣 欲不買好

第四十二齣 湖濱望遠

第四十一齣 其妻安不蓋也

第四十齣 百工之華

第三十九齣 妻妾之

第三十八齣 歸

東郭記目錄下

徐文淵

東郭記卷下

第二十三齣

與其妾詢其良人而相泣於中庭

菊花新

小旦上

留余小妹在深閨也自關心鎖欲

啼姐姐未言歸敢覷着良人高會小婦閨中心快

快人兒未返還深想夫妻何事戀秋風明月依

稀窗外朗俺姐妹有疑夫主俺姐姐竟爾施從

不知他是好是歹好教人放心不下今早去了

多時怎雙雙還未來也

二犯傍粧臺為君淚點濕羅衣男兒何事却教脂

粉疑俺盈盈兩眼參差盼他小小雙尖左右隨莫
教路上啼紅頰已分閨中鎖翠眉娟娟月照行行
可歸敢香車共載一齊回如何許久還不歸也月

到中庭一候着

前腔中庭款步自心疑怎披星而出又復見星輝
敢柔姿怯走繁華境倘遠道難教紅粉窺應知結
駟歸家晚底是追踪覓路遲倘爲歡十夜相邀永
夕望凌波羅襪早些回

紫蘇丸

日 播間一盼心兒碎怎說向孤幃佳麗

他心中滿望笑顏歸俺只可頻吁氣

小旦接介姐

姐來了

旦歎介小旦呀姐姐爲何歎息

紅衲襖只指望你笑歸家心事怡爲甚的却交門

長太息敢則你行沾霜露心兒氣敢是他路入烟

花你因此悲想着你趑雞鳴着膝衣想着你聽蟲

飛離繡被可甚的沒箇輝光淚眼歸

前腔

旦 只情願盼朱輪俺羅襪隨也指望飲豪家

俺小脚兒尾又誰料去衣冠打扮頰又誰知走風

塵踪跡異那些個在家中意氣巍全不似俺跟前

口嘴兒會覷了他一路行藏俺羞自提

前腔

小旦

他敢是避豪奢姑委蛇他敢是養清高

輕酒醴止不過對前言他舉動違有甚麼辱衣冠
把體面廢若只是諱清貧將妻妾欺俺也索守孤
窮和夫主對爲甚的含涕盈盈似欲啼前腔
前腔旦便就是恁孤寒無所依也不教挈空囊沿
路乞猛見了破篋瓢手自攜並沒有半衣冠相與
立猛可的走東郊望祭者啼又則見乞其餘還過
彼俺姐妹今日雙雙是乞丐妻小旦淚介原來是

如此勾當俺兩人終身倚靠還望誰人咳這樣

不長進的人兒也

旦

妹子當初只我嫁了他也

罷如今又累着你我替自苦還替你苦天呵俺

姐妹每直恁命薄也

泣介

我聞得昔日晏平仲

爲相之時其御者之妻從門間而窺其夫其夫
爲相御擁大蓋策駟馬意氣揚揚甚自得也既
而歸其妻請去夫問其故妻曰晏子長不滿七
尺身相齊國名顯諸侯今日妾觀其出常有以
自下者今子長八尺爲人僕御子之意猶以爲

足妾是以求去也其後夫自抑損晏子怪而問
之御以實對晏子乃荐爲大夫俺齊國之中以
爲美談傳聞至今似着他這般光景又僕御不
如者矣日日歸來揚揚自得可不道羞死人也
江頭金桂想那日門前偶會輕可的一言兒許嫁
伊只道衣冠濟楚好個門楣便一心兒情願隨也
只爲常不家食揚揚得意又則道交游豪富教俺
不免狐疑誰知你爲人直恁的嘆終身無倚嘆終
身無倚心兒自悔不堪提那里有一點男兒氣俺

可也深慚御者妻

前腔

小旦

見了你歸來況味俺便道這兒郎不其

奇又誰知沿門俯仰乞食吹篴受嗟來厚臉皮好
教我一會心癡慚顏無地既做了同歸二女不比
得做妻姨可教俺青年女兒還望誰笑伊家真鄙
笑伊家真鄙羞吾姐妹悔應遲可道自古紅顏子
常自蛾眉掩淚啼

二旦哭介生衣巾上

不是路東郭綠奇祭者遭逢傾蓋知今歸矣喉間
回味尚依稀二位姐姐何在問妻妻怎生不笑臉

來相媚觀二旦介為甚的顰眉似共啼知何意敢

親親姐妹閒淘氣看好好夫君且解眉揖介卿卿

歡喜卿卿歡喜二旦拭淚介去這一日你那里來

也生顯者家來那里來二位姐姐好不盛的筵

席也旦擺在那里生在他家里在那里小旦還

則怕擺在城外哩生背介咦這說曉暎回介我

今好醉飽也快扶俺床上睡去

憶多嬌好盛席有的喫至友公卿膠與漆水陸珍

羞椿椿特吾心喜極吾心喜極飲食真堪一石

前腔二旦哭介真可泣羞不識敢是藩間虛左席

還道雙雙好瞞得為君赧極為君赧極地縫鑽來

沒隙生大笑介呀却被妮子瞧破也你姐妹也不

須啼哭這是俺玩世之意汝輩婦人女子耳焉

知丈夫行事乎二旦泣介好丈夫行事教你藩

間站着生癡妮子那有如此良人而長貧賤者

乎呀我看他哭泣之態更自可人意也

鬪黑蛛我玩世之心卿須未識你紅粉之流知些

甚的看看你兩相泣西子嬌顰尤增愛惜合不須

苦憶男兒自發跡我輩鄉紳我輩鄉紳簞簞由來
不飾神亦不飾世之心神亦未始不飾也

前腔二旦拭淚介俺待學懷羸將君鞭策況身在

艱難怎懷安逸情既剖愁還釋且自回嗔我心匪

石合前生賢哉妻也勝於蘇季子之妻矣但問你

在此閨中何以知之小旦若要不知除非莫為

難道俺姐妹真是好騙的麼生笑介得罪得罪

這遭再不了旦好說再去去生笑攜二旦手介

生拭卿雙淚痕旦只得轉溫存

小旦從此須賢達合高車耀華門

第二十四齣頑夫廉

陳仲子傘袱上糟餘食却不傷廉生鴛一語使

兄嫌從今永謝朱門去還歸荆楚樂香奩小生

陳仲子念母而歸剛剛到家便有送家兄生鴛

者勢利場中竟是如此俺不免多說了一句誰

知俺那母親又殺是鴛以食我俺以親命難違

只得取他一塊真個好難下咽也不想家兄憤

俺前語陡然走來相識只得哇而出之此時好

難過活我想如此之兄豈堪與之久處祇因母
親之命強住了兩日今日別了母親依舊歸家
但昨聞家兄與王子敖祭掃之時有一乞丐相
纏模其光景乃向日所遇之齊人也我想此人
襟度倒不比家兄一輩轉堪提醒俺不免踪跡
他家將言語打動一番倘或回頭好共俺於陵
隱也

黃鶯兒仰止首陽高向於陵避市朝歸寧母氏遭
談笑慈親惠刃嚴兄語嘲出門嘔的肝腸倒老蓬

蒿淒淒秋雨長憶室中嬌

暫下生二旦上

夜游湖

生

郭外遨遊爲汝笑嘆英雄好是無聊

旦 餬口播間驕顏枕畔早覷破一生虛套

生

自是

卿卿望我深却來郊外慢追尋陡然挑動英雄

氣敢負相期一片心二位姐姐拜揖

二旦

花子

免禮

生笑介

有這樣的花子

二旦

難道沒有

生

二位姐姐不要取笑發誓再不幹這事了但昨
日播間之地有一鬍子官兒好似王子敖兄弟
他怎麼就得到此

不要又攀貴人既是兄弟

怎教你旁邊立着生姐姐不知此子一富貴便
眼中無人矣那里認得我來俺如今索自家爭
氣倘日後富貴看此子何顏見我且你昨日有
顏見他他明日自有顏見你生姐姐又來取笑
這遭再不許談及舊事再談者罰做花子妻兒
二日也差不多生謬也對面

黃鶯兒矢志上扶搖奈時窮鍛羽毛妻孥交謫真
堪弔相知志驕相逢眼高一貧一富情難料負粗
豪他年貴顯好問舊知交

前腔

二日

姐妹嫁英豪望鸞封兩惠邀何當鼎食

墀間道腰金草繚衣朱布條贈雙雙乞婦花冠誥
敢相嘲嫡親骨肉不過愛卿曹

前腔

陳上

風露冷蕭蕭志同清望爾曹如君應是

塵埃少他神情自超風期頗高俺西山化得這東
陵盜把門敲清人惠顧豈是等閒交生出見介呀

原來是仲子先生俺齊人怎屈得你伯夷貴步

也請進請進陳進介老丈拜揖二位老嫂見禮

生請坐了陳尊嫂在此小生告退生笑介通家

之誼固自不妨敢問先生何以光降陳昨日家

兄與王驩大夫秋祭東郊其時有一漢子再三

乞食家兄模其光景儼似足下故此造府奉拜

畧有一言生笑介先生昔日草草一遇便爾不

忘小生了有何清談便請見教陳老丈勿笑聽

俺道來

啄木兒吾家孟自遠郊道與奇踪心了了解東君

一世英雄對西風半會牢騷熱心腸應把塵埃笑

望同余偕隱眠雲壑濁世回頭鳳羽高生雅承厚

意生當粗為妻子之榮然後接腫清人之跡耳

前腔鴻堪慕燕正嬌不奈雄姿滯翠翹寄齊東暫

了柔情望荆南空仰清操承君幽徑來相造敢將

雞黍當東道自是於陵井上螭陳君既未肯同清

小生就此告別二日久聞得先生高雅更有室

人同志俺姐妹雅是相羨狂夫雖鄙雞黍相留自

是蔬水之常不比世家之祿既荷辱臨還求惠享

前腔蒙清盼敢妄邀雅慕先生氣節超出東門聊

樂綦巾走西山困守簞瓢良人自是承尊教妾身

也慕你閨中俏敢望高賢鑑我看陳多謝了先生

賤腹還是飽的斷不敢領生既如此先生高詭

俺不可強纔聞得說王驩大夫敢昨日與今日

同往者乎陳然也生怒介他是俺至友今日富

貴就不認得俺也陳而今世態自是如此老夫

何見之晚乎陳公則其

三段子官情紙薄更誰人風霜誼高窮途寂寥便

家兄言詞煞佻君家朋友何須道翻騰雲雨都常

套抵多少白首相知按劍同袍

前腔

生

臨風怒號儘知他談交量交神情太囂算

將來名邀利邀休提管子遭逢鮑偏他以薄為其

道須有日自致青雲笑殺兒曹

前腔

二旦

君須自高那教伊嗷嗷遠郊非渠太驕

祇緣卿卑卑自招而今須聽冥鴻教清貧自隱南

山豹管有日龍虎風雲傲彼鷓鴣

陳

賢哉二位老

丈有此室人須當努力莫負賢令政也吾聞得

近來有箇淳于髡主上所悅拜為主客之職頗

莽賢豪不索財賄大非家兄之比君欲致身可

在見之生承教了原來淳于兄弟也發跡了咳
弟兄每只留得我齊人也陳就此告別竟歸於
陵從此老於荆楚矣

歸朝歡淳于子淳于子君王寵褒英賢輩齊齊媚
竈功名事功名事不能便拋君須去那桃李的門
墻乞巧望君榮顯歸來早山靈有約終須了莫教
那流水桃花馳檄嘲下生仲子先生去了他所謂

淳于髡又是學生至友此人不比得玉驪那厮
可便備些禮物去見他也旦俺姐妹粧奩畧有

些須盡數收拾助君前去便了生多謝姐姐明
早便起身前去矣

生感此西山好叔齊旦男兒自此振塗泥
小豈徒莫負陳夫子合也念閨中兩淑妻

第二十五齣將有遠行

遠地游旦上留他不任要取功名去話通宵三人

款語小旦上好是風流不禁委曲在床頭低言愛

奴旦我有郎君忒愛妻小旦戀戀床頭恩寵齊旦

歡情好似魚穿水小旦一會東來一會西旦妹

妹今日良人壯行俺將粧奩爲贈但是提起
去字兒好教俺捨不得也小旦既然捨他不得

留他幾日何如旦他旣在必行那里阻他高興

只索送他便了生上

卜算子一宵恩愛餘兩足渾難舉笑語低低共戀

余趣味平分取見介姐姐俺只爲功名二字不免

離卿怎生是好旦好不長的日子哩只要你富

貴回來俺姐妹正好服事起了但此去須當保

重免俺記掛生姐姐不須在意途路上俺儘自

小心只你姐妹孤單好生放心不下且大姐姐

近日身兒覺粗敢是有了喜也更須十分將息

朱奴兒你不須念我良人在途則慮着你姐妹雙

孤可鎮日里兩兩珠簾慢自娛耐幾個黃昏夜雨

合傷心曲秋風綠蕪丟不下情親去

前腔二旦儘粧奩盡交子都儘肝腸都送狂且俺

姐妹相妨難盡抒怎了得芳心縷縷合前生行囊

早已端正小生就此拜別旦且慢着些兒麼俸

姐妹還有魯酒一杯爲君餞行送酒介

雁來紅

二旦酌金壘送我夫在征鞍莫念奴一心

心休得思兒女路上還調護若愛惜尊軀勝愛吾

合叮嚀語三人共歎淚珠兒怎留住

前腔

生本齊東一酒徒他一家兒肯贅吾又齊齊

促我上功名路之子真賢淑况又儀容美且都

前合

尾聲

二旦君本翩翩豪俠徒割恩情索把功名掙

取休得又錯向那墻間舊路趨

拜別介

旦夜來共把良人擁

小旦分離不免心悲恐

生秋風蕭索苦征人為難別此多情種

生先下二旦隨後下

第二十六齣

妾婦之道

小蓬萊

王驩引衆上

自笑權奸得主一時威震齊

都城狐有勢驪龍可豢羣羊競趨金多職顯任橫

行自美男兒名利成欲斷掃門那可得世人煞

是會逢迎下官齊國右師王是也俺自田師薦

引之後君王特簡拜為今職舉前之人無出吾

上笑介真不負王子敖也近者這些勢利老兄

時時拜謁却也懶於交接但難為他每來意索

與傾倒一番左右如有入來即便通報扮陳賈
景丑共田戴上

紫蘇丸同朝臭味偏無妒結就了一番黨與而今

顯者是誰與索與高攀去賈下官下大夫陳賈是

也景下官中大夫景丑是也田下官蓋大夫田

戴是也賈田老先生今王右師大人當朝第一

却在老先生門下俺與景老先生因此借重吹

噓約同進謁田少停見子教便與導達二位盛

意便了景些須禮物都是俺二人薄敬煩老先

生一言須得右師全納田入衆稟介 稟爺田爺

和兩個官兒來到王便請進田遜見介王迎介

老師請轉田今日右師尊貴朝廷序爵區區師

生名分不必提了王豈敢這二位一向未會賈

晚生陳賈景晚生景丑田二君久仰子教高誼

特以禮幣為贄央不佞導達幸為俯存王老師

見教便當權領二君多謝了賈景 些須孝敬媿

不成禮王二君初會杯酒一談不知可屈留否

賈景 不敢右師老大人留酌晚生輩為榮多矣

王如此教左右看酒過來王把酒衆遂謝介紅
不佞菲才何當厚雅

排歌市井凡才穿窬鄙夫何當長者之車更多儀
斐叠燦金珠禮意周旋敬有餘羞當路慚要樞高
賢不識是余辜須脫畧休過拘高歌暢飲屬吾徒

陳郎少年美如冠玉若作婦人不知得人多少

愛也賈既明公過愛便當改作紅粧以侑明公

之酒賈去冠帶作婦扮介王妙人妙人怎就曉

得俺子教酷愛南風備此物色賈奉酒介右師

爺請酒王笑飲介

前腔賈喜值青年全然未鬚何妨巾幗羅襦搽脂

抹粉媚如狐不數龍陽和子都深深拜款款趨衾

裯願抱夜深餘無陽氣不丈夫朝中仕宦盡如奴

田王子敖就將陳卿作如夫人何如王笑介

前腔田何物陳娘偏教美都渾身膩滑如酥豐肌

弱骨是名姝皓齒明眸女不如須垂盼還借噓使

君有婦願爲夫憐新妾存小奴齊卿唾手笑姑姑

景俺原與陳兄同來拜謁倒冷淡我沒趣了難

道他會作婦人我不會作婦人麼不免也扮作
婦人着出你却多幾根鬍鬚景這何難拔而

去之拔鬚扮婦介右師爺請酒垂領景

前腔腐鼠堪驚黔驢技孤也應狼跋其胡便教搖

尾竹籬呼何似簪笄枕席娛名節掃廉耻無一班

兒妾婦笑誰乎看顏色躬起居門前常有婦人輿

賈景晚生暫此告退惟願大人青目王中心藏

之何日忘之出一日不見如三月兮王田先下

景小陳你委實標致可惜多了那話兒賈老婆

子莫胡說看你這般行狀一發丑了景我每如

此模樣怎生家去路上傍觀不雅賈怕他甚的

遮了扇兒只作女子走去便了未

兩個大老先生而忽然妾婦其行一

莫笑陳娘景姥而而今都是卿卿

第二十七齣丈夫生

金蕉葉小旦抱子上憐卿愛卿喜新添兒男歡慶

好似他龍虎人材端的是熊羆天幸添字昭君怨

纔別老兒半載可是光陰難買俺耽耽待待暮

秋哀春又來
姐姐喜添一箇姐妹合爲奇貨
這親親嫡嫡像爹爹鎮相駿自長入去秋別去
候爾今春十日前喜得姐姐添孫這孩兒十
分像爺得緊他產中未健朝夕是我抱他但雖
然添得一子半年來怎沒個音書也

羅江怨 新添一小嬰啼聲頗英儼如爾父一般形
待歸來還爲起伊名也且叫親親料未解相呼應
喜春來芳草生間王孫尚遠征弄嬌兒踏徧了繁
花徑

金蕉葉

旦上

心驚夢驚乍生兒十分多病幸得俺

小妹殷勤畧放我親娘安靜

小旦見介

姐姐起來

也你今日身子可好些麼

旦

身子雖覺好些奈

記掛他爹好生愁悶

小旦

你產中未健且自將

息

旦

我想他出去多時不知有了一官半職否

如今雖然添得孩兒怎的放心得下

羅江怨 雖然添一丁親爹遠行教人洗目盼歸旌

不知得個小前程也乳燕鳴鳩好是冤難定

兒啼

介 嬌兒啼一聲慈親淚暗零小齊人未得你爹來

慶旦妹子我許久不出你看花事恁般繁盛子來
香遍滿妖紅滿徑流鶯錯亂啼相應聲聲似語還
如慶緣君猶未返教儂悲不勝記當年兩訂盟正
值着花開盛

前腔

小旦

韶光絕勝知他旅邸能豪興敢馬蹄兒
賞遍桃和杏知郎何日返好携咱共踏青勸娘行
且遣情怕春色兒增人病

旦

夢蘭喜得慰金釵

小旦親父還羈天一涯

合

此子看來是英物

病中為爾少寬懷

第二十八齣

為人也

秋夜月

淳于冠帶上

淳于髡口嘴生成泛巧把君

王心事揆便老鄒的孟夫子為咱領

笑介

這先生

先生善談這先生先生善談滑稽多智淳于髡仰

天大笑王之門請兵十萬驅荆楚生平恃此舌

猶存俺淳于一言合主官拜主客之職前者楚

國加兵于我俺主上命髡使趙為請救兵王乃

齎金百斤車馬十駟髡心少之因以微詞相諷

王乃益齎黃金千鎰白璧十雙車馬百駟髡乃

兼程進趙趙王與俺精兵十萬革車千乘楚聞
之引兵而去君王大悅置酒後宮召髡而飲之
此時宮嬪在前蛾眉螓首巧笑倩兮美目盼兮
真乃胡然而天胡然而帝也髡于其時好生快
活思量俺本稷下贅婿與齊人大哥王子敖弟
一持分袂者今子敖已作大夫髡也亦爲主客
那齊人大兄不知下落髡欲差人前訪因爲往
趙請兵稽遲未迨俺主上日以賢士詢我當今
豈有賢士乎有則髡必識之矣則索引進一二

知交便了

生破衣巾上

西地錦苦殺男兒坎壈貂裘敝盡何堪喜淳于返
國好私談應憐我相知冷淡來時正爾咽秋風今

日何堪春暮中祇爲遭逢多不偶教人長是問
蒼穹俺齊人暮秋別了妻孥來見淳于兄弟不
想他請兵趙國直教等到于今貲費都盡昨聞
請兵已歸特來他宅前求見此間已是不免徑
入淳迎介兄長久違了尚爾一貧如洗平生別

君之後幸有室家但寒困日甚耳去秋聞兄得

君遇王掩意欲相附青雲妻孥首飾盡皆贈我
將辦禮以致門下而時命不利君正在趙請兵
遂爾飄零落魄資斧蕭然今日素手來叅實爲
厚顏之極淳况長怎出此話小弟久欲差人相
請也爲在趙羈遲今幸親逢敢辭綿力但王子
敦亦已貴据兄可再往見之庶可以補小弟之
不及也生再休題子敦俺爲他摧挫也淳怎的

生此君大是負心那比得吾兄多情若此
八聲甘州風情白感又那堪市態窮交可憾歎熱

腸冷眼那些兒風雨還堪聞君高誼須自慚似此
知應作美談合征衫看今番換却朝簪

前腔淳知交偶然北與南旣蒙恩先達舊友應擔
班荆道故共把青雲路攬夷吾應進國高銜越石
還輕平仲驂合前兄長可任俺家待君王詢俺賢

生則索相見便了生多感厚情

生誰憐貧賤交淳薄道故應嘲

生朋友須連茹淳心知共拔茅

第二十九齣與之大夫

步蟾宮

生新衣巾上

故友相遭情分大志同升薦

我公家從今好撇舊生涯告了當年乞假小生幸

藉淳于兄弟一見相歡故交戀戀今早主上召

他相見其間便推轂小生那青竹棒生涯敢丟

下也 淳于二使捧冠帶同上

前腔自是君王恩寵大但淳于開口稱嘉

生接介

淳兄長為君乞得好烏紗好把頭顱洗刮大兄便

可換了冠帶

生換介

多謝吾兄俺齊人不才恐

為衣冠之玷何以相薦乞道其詳

淳

俺淳于

一日而進七士都是先輩兄何太謙至此乎

錦纏道進公家不終朝七賢並拔較吾兄應是沒

爭差暗想着闢門遠選舉風遐到而今問甚的幸

犁涓涯可知道恁糊塗總是魚蝦似先輩煞無瑕

可正是出驪黃天閑之馬幸龍顏喜有嘉便教你

大夫銜掛看這紅袍繡補背胸花

生

感君薦拔小

前腔恁稽滑賤齊人品題便佳竹枝兒時運却當

發對君王把聲價高誇感你好淳于高誼無加那

東坡記 下二十一

似惡王驩郊外陵，冷泪里也風華好。製着新官頭，踏慢昂昂大步，踏鍊幾句大夫說話，到寒門便寫着世卿家。淳家僮看酒為齊人，老爺稱慶。生僮大蒙君之荐，又明君之酒子。僕持酒對醇醪，幼小前腔喜無涯，弟兄每雙雙起家，持杯酒相奉，熱喧嘩舊衣衫都一留他，須教俺好兒孫把世德相誇。可道立榮名小耻，非取明日去開衙拜公卿，紛紛都下榻，使王驩輩須教荆請明親子，這人情笑殺可道當今底，是識烏紗。輩只許大驚至此乎

生此種世情俺當初分袂時早已窺破也

前腔慢提他論人情，一些兒不差當初的分手走天涯，早見破了沒得瞞咱。背介猛想起簇簇新夫人在家，他可也眼睜睜盼着京華，忘不了俊嬌娃，虧殺他雙雙肯嫁，索傳將小絳紗，應寫着夫人福大看，播間夫婿也撐達，不才怕家下二妻牽呈索，將喜信報他，兄處有人可借一個前去。淳兄請

修書小弟着人領去，家僮可把酒席收下，就你領書前去。僕應介生修書讀介不才夫齊人頓

首二位賢卿夫人粧次匆匆出戶我心傷悲幸
藉淳于厚友荐于公庭拜大夫之職不甘旋里
可無念也昔聞夫太責我以晏嬰御者今當不
媿之弄璋果否幸姊妹各自珍重以慰旅人不
淳 付僕書介 可往齊東訪問我家投下 僕應介
大兄好是多兒女之情 生笑介 正所為未免
有情誰能遣此 淳 明日早朝便當謝恩俺與兄

長同去便了

古輪臺 合 寵褒嘉從今更要臉皮花好官已做出

人罵沿門徧國托鉢吹篴都交與後輩生涯吐氣
揚眉青雲激勵却憐小友尚窮乏想東郊之地馬
足兒應復相踏休忘了青山乞候紅顏矚際黃昏
訕罷不覺事情遐羞重話怕傳聞笑落士夫牙
尾聲 淳 今朝方得乘車馬象簡朝衣氣象兒達 生
這是沐猴而冠井中蛙

本為東郭墻間客 今日腰金還衣赤

自是男兒不可輕 莫為妻妾將人噴

第三十齣

一江風

旦抱子上

自傷心抱着嬰兒寢獨自捱

枕望知音他浪走都城辜負春如錦何時返故林

何時返故林那堪夏復侵嘆雙鴈淚點兒時時浸

清平樂

良人去久沒個人兒走風吹榴花紅欲

剖問道兒家知否夏來春去心傷空幃有妹

悽惶索乳嬌兒正小求名夫婿難量自從夫君

去後春間添下孩兒忽忽時光又方初夏雖然

有妹相解看他暗裏也自傷情當此綠暗紅稀

人好是心情不快也

小旦上

前腔沒佳音空盼庭槐陰夏日長偏甚解伊心強

自歡顏玉筋心中飲何時再撫琴何時再撫琴堪

憐剩繡衾怪流鶯枝上啼難禁

旦呀妹妹來也妹

妹他去秋一別又是初夏可爲甚沒個音書來

也小旦姐姐正是如此我也爲此記掛

六犯宮詞

旦日長無奈空閨自寢底是頻推鴛枕

出門間步傷情怕的登臨乳燕空梁際新蟬高樹

陰頻回袖慢開襟爲君稚子不勝禁着甚麼秋風

夫主馳千里到今日遠道音書抵萬金還嗟當日

潘間苦尋把親親逼去踪難審悶愁侵紅飄綠暗
風雨幾回心

前腔

小旦

憐予賢姐強加餐飲誰解離懷更甚思

君心事教人更自沉吟愛妾眉方翠憐儂筭未嘗
時偷語慢言心道恩情更比姐還深想着你風姿
款款携紅袖便教俺雨淚些些滴素襟秋中別去
傷情至今慙慙弱息愁難任恨相尋春花夏月腸
斷為佳音 僕上 忙傳千里信好慰一家心俺從都
城至此訪問得他家在此徑中則索徑入 進見

介 一位夫人齊人老爺做官了有書寄上 二旦

拜介 謝天謝地做了官也 折書介 勞你了知他

榮歸有日俺不復回書倘你去後他尚在都城
索與寄一口信說春間添一公子俱幸平安便

風入松

旦 聞他今已列朝簪歡喜也妻男藉廕待

歸來相與同之任且和咱傳語那知音道穩却夢

蘭嘉識 合 相盼着錦衣臨

前腔

小旦 還虧殺中庭一淚動伊心發憤去叨咱

福蔭一回頭便覺驚人甚俺俊眼兒可也煞堪欽
選得個良人直恁冷前

尾聲玉音知爾沒遐心道便歸家俺回書沒甚則
一個口信相聞你要記的審

夫婿京師纔有書

數行速寄爲憐余

自此不須相訕泣

歸來應有七香車

共下

第三十一齣

而獨於富貴之中有私壘斷焉

王驩上

俺右師王是也自拜今職之後權柄獨

竊富貴莫倫舉朝皆吾門下忍耐淳于髡這油

嘴把齊人荐之我王拜爲大夫我想此人斌媚

入時機謀善世若一見用必奪我權又聞得他

兩下私談道俺曾于播間辱他就一樣舊交徧

淳于有情獨俺王驩薄倖俺想起來播間並未

會他是了那日與田大夫在添有一漢子乞食

說有些認得我可就是這花子也咳齊人齊人

非俺那時不認得你你今日富貴那些外齊人

你也不認得了近聞有一壘斷在于國中先達

高賢欲盡四方之利者往往登之俺不知在于

何所又被這厮打聽着了道今日自往據之俺
索去爭將來也暫下生紅袍率眾扮皂隸持棍
擁上下官齊人蒙淳淳見將引拜爲大夫壯路
相羈別妻妾已是年餘了前日差人回來傳一
口信說已添一孩兒也是俺旅中一喜近聞有
壘斷在於國中頗是要利之捷徑集羶之總途
俺已窺見其路卽索往登志以招海內昨攔得
王驢那厮要來搶據俺特命韓人執棍以待一
路而來已是壘斷之間也大夫將驢引入城

北南呂一枝花勢利的老鄉紳鑽刺的真英俊却
待要乘高呼造下了這利名墩罔市趨羶並沒得
他人分却把那普人間食貨一齊吞暫留在齊國
荒蕪又撞着我齊人開墾左右則索鼓吹起來扶

俺老爺上去也

衆鼓樂扶登介

梁州第七望巍巍峻如千仞黑簇簇密若層雲躍
雙靴撲的塵埃震千家俯伏萬竈紛紜士夫仰止
編戶奔屯其東則絲和漆聲色鄉村其西則縑與
穀玉石乾坤其南則錫和金薑桂通津其北則馬

和牛旃裘那郡其中則他與我貨殖衙門高躡遠
引利場中豎的這旌旗峻賤丈夫把財利儘怕甚
麼巖壑英靈移却文好箇齊人王上介呀齊人却

早到也你那乞人快些下來讓俺王爺登者生

笑介 我把你這個無情漢倒不請罪開口便要

罵人俺怎的肯讓你也王上介

牧羊關捷足無人分高才自不羣誰着伊早不來
奔這可不是那東郭間古塚荒村使不得那威風
兒發憤您可也聽着咱高處晒憑着俺上頭嗔閉

着口望着風兒忍王驩這的是宦途中難認真

氣殺我也全無朋友之情便不然也分一甲兒

與我生則你有朋友之情教左右須索周圍守

着沒得那廝上來也王上介

四塊玉並非俺嫡子孫又非俺親支胤却教俺已

定山川鼎足分你個大老先生可也十分蠢誰肯

把好田園不較論可知道得寸也王之寸痴人請

回了俗士輪王少不得你日裏登我夜裏也登你

今日上我明日也上生這却由你則這會見你

休指望者
罵玉郎便教伊三更半夜偷來問不是那呂叟怎
到的渭河濱可正是堂阜間也索夷吾認更何人
指此津君君君來時怕變作深深困
玄鶴鳴呀呀却分明窺見其門笑兒曹偏生不
認不道小人每近市心偏穩便千金不換却晏嬰
隣道甚麼朋友之情相允可待要獨占了賴上分
金管仲墩不索你壘頭寄信俺自道得壘爲尊
我便拚個面皮攬上來也
生左右將棍子打者

衆舞棍介生笑介

隔尾笑播間早不留賢俊却壘上偏來混主人這
盜跖東陵怎相遜爾自輕身吾非太峻俺呵壘斷
上翼子貽孫索吏隱
王欲上衆亂棒打下介生爲

這廝攪了半日未得盡觀俺試一縱目者呀是

好大觀也

烏夜啼是洋洋哉夫那雄郡可隱隱的魯國吳門
問四方壘斷未全湮怎三齊只有一方兒頓自立
乾坤盡處堪蹲這老齊人罵小齊人俺真光棍打

虛光棍揜得個一夫虎踞萬貨鯨吞
尾煞喜東郊別業堪肥
遜待粧點烟霞傲隱淪
裁了些碧桃綠柳
添風韻想着那貪污要津
無廉賤尹有誰人壘斷上不相屯
倒歸來下邊兒耽共鼓

吹擁下

土算第三十二齣

師不悅

臨江仙

王衆隨上

爲問誰將壘斷
搶兒曹大是無

良今朝斷送入燕邦
教他易水上
竟氣去茫茫
俺

子教忍耐齊人據其壘斷
不與同登今日聞燕

臣失道讓國于其臣子
之北面而拜君
願爲臣

臣命俺與齊人商議
遣將伐之
俺不免就保

齊人着他前去
他只有統領
花子浴博乞食

怎做得將軍去
伐人國乎
天生成是送了命也

其待衆官到來
便齊力稱贊
便事去神效之

謁金門

田戴

同酌量伐國應難
鹵莽仁義先聲

須大將還應仔細講
亦官田戴王上伐燕
事着

與右師滿之則索進見
見介王老師至
上伐燕

必須大將俺仔細看來
無過齊人則索保奏他

便了田齊人即前日乞平墻間者乎汪然也田

這怎麼使得那有乞人做得將軍之理王他做

得大夫怎做不得將軍田萬一致敗恐損國威

王你這老師又太認真田國威便損損何妨門

生實有寸心事要藉此斷送他望老師成之田

笑介田使得使得田人固平天生如此送了命

前腔淳于上田堯舜燕君大妄湯武吾王癡想底是

為人輕自獎燕齊知沒兩相見介淳齊欲依燕誰

可狂者王弟商議惟齊不長田可狂淳子教

差矣你與俺共他貧賤相交怎不曉他為人這

個怎麼去得王他去不得誰又去得淳我看滿

朝中惟章子可以去得田淳于老先生頭一陣

便着齊人老先生試試何如淳你這老先生又

差了豈不聞將非其人以國與敵豈可以入國

僥倖乎王齊人既做不得將軍你又何為荐他

作大夫淳豈不聞寸有所長尺有所短孟公綽

為趙魏老則優不可以為滕薛大夫齊人兄長

固文士非將才也且子敖與他貧賤之交奈何

欲置之死地乎王此是兵法所謂置之死地而後生置之亡地而後存且俺爲國家擇將豈能顧其所私乎田右師兵法數語又酷似淳于老先生口角了淳田老先生不知俺淳于鬯小事滑稽大事不滑稽王也不必多言你自舉章子俺自舉齊人便了王爲何而收田豈非去生又

奈子花

王田

論齊人可以擒王在同朝也都推讓

師中長子誰相抗管成功追踪師尚非浪尚記得
藩間悲壯王與計共曲資類昧交言不親出爲人言

前腔

淳

論興師豈是尋常將非人國還淪喪伊家

杯酒雖豪放怎輕充伐燕之將非強那章子才猷

克壯俺自去荐章子便了如何家國事却作等閒

看王

他不別而行逕自保荐章子去了俺便

去保奏齊人看他造化君王取那一個也人

可奈淳于不比周燕齊却教章子帥貔貅合

明朝請旨令伊往

爲問先生可止不

共

第三十三齣

饒

生查子

扮王朝館吐齊起伐燕謀還向多臣叩大

下三十二

將故難求索聽堦前奏俺齊之黃門官也我王伐

燕議將則索候候多臣呀却早淳于王客來也

淳朝服上古今對武為問武坐西面不

前腔伐國用深謀況乃燕齊鬪章子武功優自合

為戎右俺淳于髡保薦章子伐燕則索進奏入奏

介王客臣淳于髡為遣將伐燕有表章奏上黃

京王客請就此披宣淳奏介

桂枝香臣髡稽首短章披奏雖然之噲狂愚未易

甲兵馳索精求賢將鷹揚前後壯

猷天就統貔貅直走幽燕道歌旋易水頭黃王客

所荐何人淳章子也近表黃持下介淳想王上

必然允從也王驩王驩你也虛用心了黃上王

君准奏着章子即便統精兵二十萬前往伐燕

不得稽遲便勞王客淳于先在喻之淳謝恩介

從教得燕土自此倍齊邦下王朝服上

神仗兒君門速走君門速走丹墀忙叩把齊人保

奏管教他輿尸授首看壘斷獨吾游入介右師臣

王驩為遣將伐燕有短章奏上黃右師所薦何

人王齊人也

近表黃收介纔方淳于王客已

奏章于王君允從了王王君允從既已被宣則

亦索進上或者又點一獨副將也不見得黃如此

待下官達上下王這廝大是用心又早奏了去

也黃上王君准奏着齊人統十萬精兵助章子

進討不得有違王謝恩介共二十萬前

伊曹雖則據高陵可是而今讓子登

十萬甲兵送燕土此時應釋我心憎下

猶天第三十四齣托其妻子于其友

玩仙燈

淳帶僕上

紅樹萬山秋痛故國征人分手

王子敖為爭壘之故遂陷齊人大兄遠去伐燕

相知契友反面一至于此本待相餞郊關想他

必來言別或有密漏則索備酒在此候候左右

看齊人爺到來即便通報生帶僕上

小蓬萊巧宦待將壘守讒人又送燕游誼高朋友

情沾兒女特為干求子敖陷我征燕聞命即當赴

敵奈妻兒遠在故鄉令人憶念特此托與淳于

兄教他時時着人一看通我音問聊寬游子之

賜冰此已提刺索直太見介淳大弟聞予
赦之議即便先舉章子為帥不想君王聽他言
語又點光助轉遠去異國為之奈何性感地至
小童笑彼檢捕弄墨之行我所不憚只家高爾個
女子尚未接來近又添一小犬好生記掛不才
此行願得足下時遣一力達我音問慰彼閨人
故此道府奉陳幸為留意淳老嫂越在故鄉聞
此信息不免縈懷小弟即當遣人相慰兄幸放
心前去無以為念奉飲相餞國門既幸辱臨敢

此致祖左右看酒過來奉酒介生淳于兄不想

于教為人刻薄一至于此淳此竟蓋天香殘忍

人也然今世交情大都如此淳矣不肖且自開門

五供養生窮時知舊歷徧風霜老幾春秋卒居相

慕悅握手話綢繆泣天盟誓道生死不相背疚一

臨小利害頓變大仇讐下石何難反唇無嫌長

前腔淳由來親舊誰念平生幾個春秋山川何足

險雲雨未云繆谷風誦罷便發憤絕交非疚誰懷

仲叔誼盡作臆涓讐隙未如常凶終非驟生淳于

兄這也不須談了只祈此妻妾幸為青眼
江兒水薄道休污齒高情幸掛脾盈盈弱息堪回
首哇哇小犬知安否重重雅誼惟君有為此懷慚
啓口但得內顧無憂一任邊疆堪走此身是弟
事一言既許有如白盟誓豈坐視不眠背太山
前腔室子須愁夢征人慢淚時言既肯君前首
千金一諾公知否咱兩人意氣從來有且自開顏
笑口待慰紅粉人憂索遣紀綱僕走如此多感
就此別君去矣

玉交枝清霜時候控征鞍幽燕浪游喪家一似纍
纍狗不堪聽畫角邊愁干城慢擬免置休雲山早
是鴻來又持別酒不禁淚流知甚日歸來故丘序

此行勉立奇功小弟肅聽佳報

前腔前途難候好加食功成燕游奇勲應似韓盧
狗索驅將東郭魏愁黃花待折祖行休紅英滿擬
稱觴又歎歲月車馳水流嗟故友登山涉丘生王

程有限就此分手了問禁斜風去與燕飛燕

鷓鴣天南箕掉舌陷修矛北地臨戎媿壯猷東國

樽罍叨密契西風鞍馬憶嬌柔淳落葉靜語蟲啾
雁山遼水路悠悠青茅問楚餘風在莫戀繁花燕
市頭

故友一朝頓別黃菊何堪黃菊秋風英尚
丈夫豈能無淚泣向相知寸衷共下

第三十五齣為將軍

金錢花衆扮軍卒上孤城九月江干江干將軍泣

別加餐加餐秋容一帶白雲灣城見外水潺潺眼
見下淚潸潸咱每征燕士卒相隨王帥齊人接應

章子之軍早則王將到來也 生戎粧一卒捧戲

一卒佩劔鼓吹同上

滿庭芳生纔下墻間方登壘斷西風又送邊關

奸嫉妬戎馬四郊環為問玉人佳否到如今望斷

雲鬢從軍苦黃花綠野畫角促龍幡何事同朝偏

妬人驅來作將渡關津一鞭已出臨淄路南北

東西游子身倦齊人為因爭壘遂致我燕俺雖

不嫺武事却有章子前驅不足為意但俺與室

子相別已是數年今又帥兵異國兀的不老却

人也王事勞我則索前在將士趨行衆應鼓吹
行介生策馬介

朝元歌清霜景殘游子愁腸宿金風候闌將士心

情散幸有前驅不須遄趕對着旌旗自赧如此容

顏何當甲兵驅十萬舉目送飛翰低頭覩馬鞍合

師中興嘆怕老却朱顏歸慢入其否腔吹今望

前腔衆着甚將人塗炭繁花滿目斑野草對人閒

戰馬聲悲將軍淚掩試聽南飛之雁千里雲山淒

淒出関人自憚室子繡衾單征入鐵甲蠻合前衆

作悲思介生

牙既已至此衆士卒何得悲傷須

索剪滅燕邦壯我齊國俺老爺可也壯心陡起

眼淚旋乾矣取鎗過來持鎗介俺齊人出関來

好沒丈夫氣也俺以匹夫作大將統兵伐國何

所憚而若此乎爲淋淋只之嫌寶險爭戰三齊

前腔笑把黃金甲撥當初曾乞藩何似入燕関兒

女癡情英雄笑眼舞戟介霎風雲變幻舞戟介橫槊翩

翩年來竹枝長不接蛇已變龍看男兒真不凡合

師中回盼正古成斜陽雲棧扮章子軍接上介咱

明海章爺軍士奉至帥之命迎接齊人老爺生先
歸拜出迎帥候俺合兵征進便良軍聽不衆舞

文介論大家殺出前去風雲變公對樂臨

前腔也自雄風無限道遙豈所安踊躍用兵還萬

里長征千人褊袒為拯燕民之難寶劍爭彈三齊

壯夫誰不悍歌舞過樓煩蕭蕭廢室寒合前

生雄心不覺從斯起來短劍秋風過燕市

一軍亦復共英雄國可道男兒當若此鼓

吹下悲思介至北

第二十六齣 戰必勝

六么令 音子領兵上戎衣親擐聽鉦人擊鼓升壇

鷹揚韜畧素諳閒征不服取其殘臨淄技擊由來

罕自家齊將章子是也奉命將兵二萬進討子

之復聞遣齊人相助昨移下文書約俺挑戰彼

以奇兵從旁截殺則索布下陣勢直逼燕城一

面待他兵到也 生帥衆持竹棒藍縷上

前腔奇兵精簡儘諸軍伐木持竿十三篇兵法馬

前看皆宿飽盡朝餐還教剪此三日飯自家奉命

助征喜臨燕境昨移下改書章子輝中教他先
驅誘敵俺以練軍家亦各持木棍并箭從旁殺

入早是章子合圍了三軍齊上生眾從旁繞章

子軍介扮子之敗走上

前腔齊人煞誕馬牛風不及邊開無端侵越我江

山須血戰莫心寒萬不得已便把這頭顱送上何

須憚對章下軍戰介生軍從旁截殺介呢子之那

里夫子之敗介呀到當不過這一班花子兵也

敗下生章見介章有勞助討大服奇勲偶爾

隨征敢貪宏伐章老先生俺每就此追進城去

前腔合謨謀相贊好成功早把師班看城門直入

沒遮欄京觀築凱歌還干城今日差無報

相共揚威武共奔爽成功堪列土

不必問將軍平果試聽得勝鼓

第三十七齣為衣服

長相思旦上悶來添病轉慊為念良人倦整奩從

他絲網粘小旦上悶還兼病亦僉為念良人不捲

簾強將針線拈相見介孤幃轉眼朔風天我有

行人遠伐燕雙雙
姊妹拈針對線欲寄寒衣到塞
邊良人一別數年冷又嚴
冬時候非承厚示叔
叔寄一信來道良人以王驩嫉妬作將我燕
有章子前去可以無虞教俺不須記掛但雖則
如此千山萬水經年累月好是懸懸
如此懸懸當此寒天
俺姐妹念彼征人共作寒衣一件就挽淳于叔
叔之人帶去教他轉寄燕中也盡俺一點心兒
孩兒已睡姊妹索與你挑燈
此共做衣介
二郎神旦時光冉自前秋輕拋輕閃到如今又雪

片紛飛時物歛狂童嫉妬誣他素解韜鈴去白草
黃沙途路險恨殺那王驩讓諂淚痕淹聊做件寒
衣慢把針拈

小旦前腔小旦鷓鴣嘆和鳴未久分飛荏苒盡日朱扉

空自掩羅裙寬褪湘腰更倍纖纖數盡長更銀漏
點捐膏沐曉粧不艷正寒嚴想起邊塵鎖却眉尖

旦想他相別數年不知肥些瘦些這是貼肉衣

裳不妨窄做一二分兒小旦你看他墻間那般

時節尚自儀容恢偉如今雖則離鄉亦已富貴

料男子心腸不逐消瘦只索照常做去便了也
你這話也說得是
轉林鶯英雄知是愁不沾應他未改鬚髯但魁梧
體貌雖常儼地須知有個涼炎寒威言念怕關塞
風侵龍劍暗中瞻身裁模想慢把繡絨添更幾
前腔 小旦 朝來飲食都不炊問刀環應也難占想
閒花燕市知不欠那風流敢待沾黏芳心檢點以
後逢郎休閃料無嫌吾家賢姐常自意謙謙 旦 寒
衣已戒須作一書寄之 小旦 取筆硯介 就請寫

書便了

旦寫畢讀介

賤妾姐妹歛衽拜上郎君

大夫麾下前歲夏日領書悉佳况妾心甚喜聞

之淳于君知為王子敖所陷助征異國妾姐妹

終夜皇皇念此寒天聊奉粗衣一件昔管大夫

問楚包茅齊俗以為美談願我良人如是淳于

有使藉手止聞不盡

與小旦看介

小旦 只消如

此姐姐便河封了 旦 封介 外面封字你可寫上

小旦 寫介

啄木鸚 旦 梅英綻朔吹銛未報音書空自歎昔日

個口信透聞今日里寸楮憑瞻邊笳戎火空相念
閨人夢度黃雲塹費春織七襄纔就霜管更重拈

前腔小旦情緣一心事兼彼此柔腸都不掩訴衷

懷姐姐親書再封題妹妹同簽齊都豪傑雙雙借

齊姜文雅雙雙占是無鹽才華相似薄命怯柔纖

尾聲合兩下裡都深念為君枕席未曾沾一夜裡

縫就寒衣怯指尖僕上寒雞催我去餓馬向人嘶

二位夫人小人就此起身前去不知有何分付

二旦淳于管家俺有寒衣一件家書一封勞你

帶去轉付俺家老爺若你去後俺老爺將回京

師便候他到京付罷僕接介知道了二旦俺還

有話說

香柳娘見行人悶添見行人悶添音書相倩閨中

少婦無煩念道雙雙喜兼道雙雙喜兼愁病未曾

沾饗餐也都瞻莫常懷鏡奩莫常懷鏡奩齊將醜

穢好教功占僕知道了瘦馬堪乘去啼雞不耐聽

下旦呀天已明了小旦這樣長夜不知不覺又

亮了

前腔

合見光侵盡簷見光侵盡簷東方日漸長宵

不覺灰燈焱把征夫遠瞻把征夫遠瞻霜月冷偏

尖沙場到還險問何時捲簾問何時捲簾朱門望

炎紅裙增艷

十月閨人正苦寒兼道何當夫脩跨征鞍會

一封聊寫相思意不盡餘衷淚眼看

第三十八齣

似娘兒

生髭髯冠帶衆擁上

滅國返臨淄今日裡

是我之時怕伐燕一節書青史道君王有意齊人

伐取章子因之滅字木蘭花家山太遠到得齊都

心稍展念我裙釵誰爲持將書信來愁衷慢遣

奈此春寒猶未免好是難推何日歸看兩女才

俺齊人帥師入燕五旬而舉藉章子之智勇成

不佞之功名振旅獻俘君王大悅加俺亞卿之

職好不富貴也但別俺二女已是多年當初只

傳得個口信兒來好是放心不下待淳于兄來

時或者有個信息未可知也左右的候候着

淳
從人上

北醉太平喜平燕復肯早振旅班師君王大喜過

前時道戒功一矢而冷寵命如章子淳于救友歡

來此從人遞寒衣及書介淳他閨中還有俏信詞

索如今付之衆稟生介淳于爺到生迎介是平欲遠我

况淳幸喜收功敬此趨賀還有樽嫂法略所

寄寒衣及家報并以奉生接讀介好聰明的

女子也况請看淳看介大况真福人也生

淳于况子款陷我伐燕欲假手於燕其以快私

仇耳誰想俺齊人伐燕竟能勝之淳正是這等

說前日鄒國的老孟著孟子七篇他也記你功

說齊人伐燕取之生承賢者這等好意我齊人

也流芳百世了煩他再把我生平事迹一發記

一記何如淳這也不難待我明日與他說要他

與你作傳便了生并俺日後墓誌銘也勞一做

更好淳這也使得田王僕從上

么美功成飲至致主止隆施王驩不克愧當時且

牽羊獻豕從前光景休深憶交情今日仍篤驚吾

儕勢利自如斯任諸君笑之衆稟介王爺田爺來

拜

生淳笑迎

王介

生

尚未過謝

何當先施

王

有

何薄敬煩况謝為

生

我燕成功皆君

一為之力

也

王笑介

豈敢

田

伯夷叔齊不念舊惡

怨是用

希敢以此言獻之

座右

生

田老先生倦齊人豈

念舊惡者乎今日故人依舊我心實喜

王揖介

大兄真好大肚皮也

淳笑對王介

他這回若再

到播間您定然尊之首席

衆笑介

得家報兼逢故人敢以杯酒為歡在弟看酒

把酒介

王揖介

衆笑介

生

今日既

得家報兼逢故人敢以杯酒為歡在弟看酒

桂枝香

玉音歡視石交重至仍如分袂之時却憶

布衣前事匪相知挈之匪相知挈之終焉齊市為

人譏刺慢銜卮小怨應須釋深情故可思

前腔

淳

疇昔之事丈夫嘗試好尋舊日宗支為譜

生平姓氏歎英雄末之歎英雄末之窮途顛躓倒

行逆施更追思也是奇男子方為貧乞兒

前腔

田

當初秋祀翩然而至此時豪氣堪思此日

鄙人真肆媿當前失之媿當前失之而今慚憶無

顏相視藉恩私舊怨如水釋新交似酒滋

東郭

下四十六

六

六

六

六

前腔

王

兄真豪士名光國史于今功紀歌詩向後

恩留贈謚倘播間再之倘播間再之清塵恭俟陳

觴洗觶好男兒我固倉和獲那知雄與雌

衆辭介

王爲君不免還噴舌

田須識此翁是豪傑

淳丈夫自應有達時

生猶喜諸公復相結

王田淳先下生

叫左右可備香車二乘明日齊

東迎取二位夫人一路上須小心服事者

一封書思伊兩美姿風雪寒燈夜做時殷勤寄所

思艷絕多情桃李枝咱管子勲勞應不媿他懷羸

策勵敢忘斯好人見太心慈候爾鸞駢一謝之

我固烈丈夫

幸遇賢女子

富貴深相念

願爾同來此

共衆下

第三十九齣

妻妾之奉

花心動

旦小旦上旦

一轉春風又見鮮鮮花萼人

阻天涯竟逐風塵只恨少他一個

小旦

淚珠姐妹

雙雙墮敢眉山一時感破

合

鎮終朝金錢試卜臨

風無那卜算子

旦

一別已多年流水時光去轉恨

當初去戶時不把人留住

小旦

着甚關播間送

下四十七

止功名路一刻相思不得來此悶和誰訴旦妹
風弄自從寒衣寄後轉眼又是而今雖則孩兒稍
長不知良人已歸國否昨夜燈花頗燦我又夢
見他來接俺敢目下有個喜信也小旦姐姐這
都是記心夢俺那夜不夢見他在家哩如今那
得來也且和你中庭一望

駐馬聽

旦

眼不停睃小脚時時簾外那只見桃花

爛熳柳葉陰森竹影婆娑雲邊夫婿可如何身旁
弱息同悲愕不奈愁多那頑皮稚童沿街掠

前腔

小旦

不住嗟哦間隔關津奈若何一似雲遮

巫峽霧隱秦樓風阻銀河俺一雙姐妹尚難過他
隻身關塞堪愁麼日日蹉跎無情無緒薰香坐

不是路

衆作推車上

奔走風波兩乘香車幽徑過

人兒娜清畏人知隱苧蘿來此已是直入則個叩

頭背介

好兩位夫人也繡裙拖一雙小脚些兒大

怪的東君記掛他

旦你是俺老爺差來的麼

小旦

老爺回國了麼

衆齊聲和俺老爺相請去都中樂

速將輿坐

旦呀原來回國了謝天謝地

衆老爺成

勸回出都管性亞卿之職... 做了亞卿

榴花泣 旦 中庭訕泣激爾去關河喜故友用情多

大夫拜下沐恩波教妻孥歡笑呵呵遭逢網羅眼

權奸陷你去幽燕坐聽風聲嚇殺雙鴛喜歸來為

展愁蛾 旦 寒衣寄去未審到君麼怨命薄恨春嗟

前腔 小旦 怕到得相逢髮已皤幸今朝魚乘相過門相喜多

這郎君嫁得堪人賀坐朱輪不負相期趁青年好

與同歌 衆 二位夫人就請上車老爺都城懸望 旦

小公子還在那里要子未回索等一等 衆 夫人

車兒先行一會俺着二人抱了小公子隨即馬

上來也 旦 這等你可小心看着妹子俺和你先

上車去 上車介

急板令 旦 別柴扉雙雙笑臉上香車盈盈慢那把

前後籌度把前後籌度想着播間渺若山河望着

都城遠在烟波 合 從此去可再來麼不覺的暮光

姓

前腔 小旦 在車中衣衫慢拖到朱門重裁綺羅把

東坡記 下四十九

道路經過把道路經過錯雜繁花噴亂鶯歌幾聲

高巒一派流波合前且可到前邊驛庭住下待公

子到來一齊起身便了口口再水法不費的樣

當初跣足走播間今日車輪好面顏

為問貴人妻與妾笑姐可曾東郭一回還眾

作推車下

第四十齣百工之事

大匠鼓扮木匠上學生善劈鑽公輪作下柵梓常

搏憑咱造彼輪和魚豐屋翔天人壯觀合今日完

工領他花銀小攢小子木匠是也齊人老爺舊宅

教俺起造小小門面却做了高房大廈他不日

與夫人來此今日却教管家犒賞每人花銀一

兩桌面一張好受用也呀却早泥水作頭來了

前腔扮泥水上學生善砌搬傳巖徒弟石塊常搏

泥墻粉壁真無筭運土輸漿心喜歡合前小子泥

水是也齊人老爺舊宅造作衙院墻壁都是學

生砌括今日完工領他賞賜也與木見介扮裁縫上

前腔學生善剪執軒轅流派衣服常搏些須偷得

綾和段孝順家中老媽官

合前小子裁縫的便是

齊人老爺與二位夫人廣製新衣綉綾段絹約

有千餘件今日完工與木匠泥水一同犒賞則

索自領去

與木泥見介

前腔

扮厨子上

學生善做饅易牙親族魚肉常搏

鼻頭時嗅葱和蒜口嘴多沾醜與酸

合前

小子厨

子的便是齊人老爺日後新宅游宴定咱整備

筵席百餘桌便今日犒賞各色工匠的都是我

小子整脩諸色都已買辦停當則索領賞去也

與衆相見介

列位老哥喫的桌面都是小弟設

法的

衆虧你

也

厨

適纔落得饅頭數個哥兒每

每人嘗嘗

衆接食介

好鬆泛的麵食也

木

我沒

得回敬一把純鋼鑿兒送你拿去打刀好切下

飯

厨

多謝了我落得一塊花段兒相送好拿

去做個荷包

厨

多謝了

泥唾介

我要做陳仲子

出而哇之了

裁

怎的唾將起來

泥

我沒得回敬

用唾還他也罷偷得一塊銅瓦兒送了哥罷拿

去好與老嫂積麻

裁

又道是妻辟纊

厨

多謝了

木列位老哥且休閒說我想齊人老爺當初好不低微如今堂高數仞食前方丈好不富貴那一個不叫老先生老大人當初那話兒再也不提起了泥如今人都道他是個能人是個豪傑欣羨不了還提那話厨且不要說别的只我小弟辦的筵席他當初要吃塊骨頭兒也不能勾裁就是這衣裳如今要俺做這許多當初掛着一半破又袋哩衆笑介活作怪這樣花子會做官我每木匠泥水裁縫厨子做吏部天官也做

不住哩如今且去領他銀子桌面來慢慢也圖個紗帽戴戴便了笑行介

北清江引

木泥

咱每兩個難相判彼此功居半他

將瓦礫搬你把木頭斷

合

喜今朝共將他老酒灌

么

裁厨

咱每兩個雖相判一樣心多算他偷魚四

五盤你落絹兩三段

合前共下

第四十一齣

其妻妾不羞也

傳言玉女

生衆擁上

富貴無涯那似當初乞丐朱

門榮戟畫棟雕簷瀟灑男兒撐達又喜值夫人少

艾把珍羞試設用娛嬌黛勸君不必笑齊人今日
齊人意氣新蛾眉共賞三更非豹變還驚一世
塵下官齊國上卿齊人是也自從伐燕而歸從
亞卿連陞今職賓友俱至讐怨皆忘王子敖半
路請荆田大夫一時傾蓋前者着人去舊宅迎
我夫人今已到此地新室方成頗稱壯麗只
前日着人去將舊宅一帶房屋盡買廣其基址
創爲別宅亦此完工待秋涼之後與二位夫人
同去一游今日正當長夏叫院子備下筵席與

二位夫人賞荷院子筵席可已完備否衆俱已
齊備生可敲雲板請二位夫人出來衆應請介
二旦冠服侍女同上

踈影別離多載喜香車接至再勻恩愛淡掃蛾眉
巧粧時樣打扮十分嬌態生望介立而望之偏齊
整美你個青年奶奶合祇爲槐影荷香暫步繡幃
之外相見介生別我芳卿已數年且不覺時光幾

度遷小旦却喜紅顏正未老生共爾荷花六月
天夫人今日丈夫何如也擺介小旦又來驕妻

接了生笑介夫人新荷香極與卿一玩怎不教

兒子出來呢且他六七歲的人曉得甚的教侍

女每與他後邊水閣戲耍小旦況且是個頑皮

這酒席不禁他打攪哩生夫人豈不聞寧養頑

子莫養呆子侍女每且取酒過來生且且酒

畫眉序生畫檻正荷開邀爾夫人出闈外看餐霞

飲露朝烟暮靄恰正似兩兩紅粧對着俺亭亭青

蓋合疎簾水簟薰風快滿堂上笙簫一派僕上稟

爺淳于老爺請明日賞荷生知道僕應下

前腔二旦美此俊多才又早公卿綺筵待果而今

顯者時時相拜也不必誇俺荆裙信得過交他冠

蓋合前僕上稟爺王右師老爺和田爺請後日槐

亭筵宴生知道了僕應下

前腔生笑眼問金釵今日夫君可豪邁只重重請

帖肚皮愁隘常則是纔唱雞人端的有成陰鶴蓋

合前僕上稟爺公行氏各位爺請後日筵席通

帖生看介通家眷晚生公行子東郭氏景丑氏

陳賈盆成括沈同時子仝頓首拜右啓上大柱

國齊翁老先生大人台不怎麼好後相是左右
師和大夫相邀俺把許了他也僕俺家列位老

爺說若後日有人相請便遲些日望齊入老爺

賜顧生既如此知道了僕應下

前腔旦不住有人來盡處開筵似相賽笑而今

口腹不愁饑壞多則是故友稱觴又添得新交傾

蓋合前生作醉態介竟醉矣竟醉矣小旦醉了去

睡罷將養着精神明朝好赴宴也生未也俺還

要做一故事與二位夫人一笑旦做甚的故事

生可便是您當初張俺的故事我想你雖看見

你妹妹還未看見哩小旦如今做了官了還好

做這花臉勾當生你婦人家自不省得當今什

途申那一個不做這花臉勾當乎你且不要阻

俺高興我舊衣鉢都帶在此待我粧扮起來生

取棒碗破衣出介小旦笑介醉好不識羞這些

物件當真還藏在這裡且這是他祖宗三代遺

下來的傳世之寶生笑介你且不要笑人只要

你的令郎學得我這令尊倒也通得哩三切俺

的公子是有志氣廉耻的不學你這花子肉當
生罷了把本來尊號一條都用出子且待我除

下紗帽脫了圓領作個舊齋人也守紗帽且
持脫袍小且持生仍扮前乞態納泚細謙諛其

滴溜子生破木椀破木椀却還留在青竹棒青竹

棒不會蛀壞暫把簪纓一收披土子破衣兒和布

袋且自浪游東郭之外詞二且吃奶奶奶可憐見

那二且拿些米來賞他貼花衣金冠粉小公子

水底魚兒水閣嬉來見堂前錦席排暖吾家奶奶

對花子笑顏開生向十笑介公子賞此兒麼且笑

介兒可認得這是你爹爹子笑介當真是俺爹

爹也你做老花子俺做個小花子跟着你脫衣

持棒作乞態介二且笑介啐不長進的好樣不

學學這花臉

鮑老催口兒笑壞口兒笑壞一雙喬梓真奇怪老

爺扮得寒酸態還添他賢公子粧着賽墻間光景

渾如在當時只沒這小乞丐這的是英雄槩且換

了罷生未換哩直待你中庭相泣哩小且真是

醉哩好好的官兒做這等模樣生還是俺兒子

聰明接得俺爹爹的脚也你每兩姐妹聽生還

不訕還不哭公子

雙聲子中庭訕中庭訕那言語發得太還相泣還

相泣那眼淚流得快應須再應須再反歡待反歡

待笑人情世故兩箇裙釵不是

尾聲二且郎君好箇冠裳客一班侍女口都歪笑

道這樣公卿也少見來二且各持冠裳共大笑下

第四十二齣

所識窮乏者得我與

扮前二小齊人乞態上可嘆終生長是貧知交

富貴不相親因時盡道無相負既達何曾有一

人俺小齊人便是七八年前與齊人大哥王驪

淳于分別之後連斗化也沒得斗化可道做頭

的去了也三年前聞得王子敖亦已富貴遠去

見他倒被他一頓搶罵後來聞得淳于也富貴

了待去見他又恐怕做人一樣因循不果今聞

得齊人大哥亦已富貴了他是個有義氣的人

料不相負只得遠遠來此聞他不日要姓蕭陀

游要俺那理以法規地限處遊他在此游那
鏡球一規地富貴下地是國本尊人
北端正好笑男兒長貧賤無食喫及得衣穿做交
發達還誰卷抹下子當時面來關掛與下也富貴
滾繡毬當初呵分離各一天相替母心變到如今
只獨自朱門宴管甚善知交沒那無禮都則是賤
羊斟似宋臣那些兒飯廚桑待趙宣只守着一家
宅眷恁情的壓膏梁笑把鬚揪功名為婦狗人慣
學術楊朱為我偏緩急無援莫嫌上與長食味交

叨叨令瞧着那珠兒玉兒有的癡癡呆呆的美造
着那堂兒室兒常則周周圍圍的轉問着那風兒
水兒早則搜搜尋尋的徧護着那孫兒子兒直恁
思思量量的倦兀的不是笑殺人也麼哥兀的不
是恨殺人也麼哥但遇俺朋兒友兒却便憎憎嫌
嫌的見早來到俺大哥府前也僕上談笑有貴客

往來無乞人花子那里走小大哥我每是你老

爺故友特來求見僕我老爺有你這樣的故友

小你不信但去稟看僕也罷我去稟看下隨生

上 我懷管鮑誼此道今人鮮笑彼輕薄兒還復
自黽勉快請進來僕請二小進見介兄弟怎

麼還是這等叫院子快取衣巾來與二位換了

二小換謝介多謝老長兄生好說請坐下細談

二小自別大兄之後一發貧困了

倘秀才當日呵肉和魚些須有緣別後呵湯和水

乾海口涎那先達無情面孔堅經營過兎犬毒害

抵鷹鷂兀的是今人義鮮生說起真可憐也哇院

子可設法酒席端正即便請二位夫人來見且

小旦上為念貧賤情還將妻子見二小見介尊

嫂請上待小叔二人拜見生只常禮罷小如此

請上些二位嫂嫂拜揖二旦二位叔叔萬福小

嫂嫂請進生夫人便可叫侍女每設辦下飯二

日的人千古少也二旦曉得下小哥哥似你這樣

滾繡毬風霜節獨全金石盟偏踐解下俺舊鶉衣

新衣戀戀便教俺那侍妾每準備着開筵咱臙神

兒敢夢羊你獸人兒儘給鮮又教着閨中倦媛雙

雙的共出華軒笑將咱叔叔深深拜可是你哥哥
嫂嫂賢委實超然性北弟俺還要與你每做一個

奈官兒哩小多謝兄長天下有這等好哥哥也呀

白鶴子則笑俺兄弟爭如越石父單美你大義偏

超平仲先真個是俠氣千秋端的有熱腸一片

煞尾走盡了東西南北將咱譴受盡了冷暖高低

沒箇憐休提那軟設設紗帽兒加且把你美甘甘

筵席兒卷共下

第四十三齣殆不可復

扮二院子有才人服事無才服事人咱每齊

人老爺的院子是也老爺舊宅改作大院亦已

完工自從新秋和夫人都中來此暮樂朝歡前

其歌後舞好不受用近乃暮秋之時老爺憶起貧

賤之事要與二位夫人東郭一游兼之祭祖昨

已分俸安排車馬祭儀今日却都齊備也性担

担担鮮衣盛粧性憶昔當年未際時曾于郊外

一游之而今踪跡全然異駿馬雕鞍錦瑟隨夫

人俺與你都城來此舊院已是多時你看起造

的好不齊整與昔時門面大是不同了今日要
與二位夫人東郊祭祖鮮車盛服特洗當筵之
耻昨日分付院子整備車馬祭禮不知已端正
否院稟爺俱已齊備生如此請二位夫人先
上了車下官跨馬相從者鼓吹連馬粉

北粉蝶兒

生

寶馬香車偕着咱嬌妻嬖妾想當初

寒困堪嗟徧國中沒大箇不笑咱無藉當日箇附
耳誰耶到今朝我立談也不屑呀你看瞧着咱的

都箇箇趾起也

大人眼裏也

醉春風也不勞你貧賤日把人輕也不勞你豪華
時將俺懾見了他這鞠躬欣敬沒來由有甚麼說
說這的是舐痔吮癰後恭前倨奴顏婢頰早來到

郭外也夫人當初虧你直跟俺到此

紅繡鞋出東郊商飈何冽索將着羽扇輕遮當日
箇未豪華俺夫人赤足撇你命婦繡鞋斜早受了
走荒郊封贈也旦當初出來好不羞人也生如今

可好麼

迎僊客您可也憶年時面害羞今日的恁輝光他

眼還熱覷着伊艷麗的親姐姐分明出若耶果是
羞花月這儀容偏則在野外嬌怯好教我心歡悅
去這郊外好風景也且待俺下馬步行一會夫人
箇可也下車大行衣豈嫌不命散蘇蘇早受了
石榴花你看滿目前簇簇的碧山疊綠綠的流水
一灣斜有的是蕭蕭的霜葉舞黃蝶則見淒淒的
猿聲嘯徹濯濯的鹿蹤四野皎皎的白鷺橫飛俊
鶻遠獵唧唧的秋蛩不住咽空穴院稟介某爺是
太老爺墳前了生可把祭禮擺下俺與大人拜

奠院擺祭禮作細樂生旦拜介

鬪鶴鵲拜上你二十代遠祖親爹喜的俺不肖兒
成家立業不能勾桓司馬石柳重疊早不做若教
鬼香烟斷滅好佑俺嫡親骨血好陰俺幾代瓜瓞
不是你老太爺百世能靈怎教這舊齊人一朝發
越祭奠已畢冰酌每回把祭禮且收了生旦拜
開俺老爺祭祖偏沒個齊人來乞食也生笑介怕

他尊夫人來瞧哩
上小樓拜罷了桂城悲咽索又將年來事說則看

俺乞食柴門携杖荒郊醉倒墳穴誰想俺也有時
乘璧車大道斜借着俺雙雙都治誇道是堂堂闊
閱於今命祭臨終對面有人來乞食也
今朝的貴老爺昔日的窮小舍覷了俺目下時
節意氣豪俠體貌超軼可道是皆運也皆命也為
甚麼始終兩截一生兒被他磨涅好過子俺家先
原差這便是借田乞祭之所好你看田大夫真在
國守數的先差如今轉至及賊每的証所謂風
雲不殊而人情變矣

白鶴子生覷他每馬鬣封和着俺舊龍穴雖則風
景未全殊却舉目有炎涼別
四煞想當年真折挫氣殺了大豪傑俺試把舊模
樣為粧些要你小姐姐親觀者二旦笑介又舊病

發了生作王驩坐介
三煞這的是王驩容惡劣作田戴坐介這的是田

戴氣驕奢作怒目介兩下里瞪着眼罵齊人自作

乞態介俺可也低着首憑他說

二煞則見田大夫與俺鴉半截子教弟與俺雞一

樸作接介俺雙手見接將來作食介一口的杜杜

啜旦笑介小旦掩口介姐姐你形容他那有如此

光景生還未哩作醉態介

快活三不覺俺醉將來身子斜不覺俺酒興發口

胡喋眼睛兒認不得那爺爺作推倒自跌介却被

那小的每推將跌二旦扶住笑介生那時却恨沒

四你每扶扶也小旦虧你好受用那生笑介識這

獨脚戲做將出來比你姐姐形容可更加一分

麼日笑介你這花子模樣俺可學不來也生天

已過午俺回去罷 各上車馬介

鮑老兒生一會價芳塵游徹早醒悟在萸菊佳節

看取這霜英凋謝衰草叢遮須知道人壽復幾何

直待要日暮典嗟夫人俺想起富貴功名草頭露

耳從今後索把壘斷讓與朝士輩俺清閑自在

也

滿庭芳猛提起朝中羣哲有幾個公忠清節陳賈

輩諧媚奸邪景丑氏一班兒不免庸庸者那討個

甘直諫蜚毒氣烈那討個勤撫字平陸心竭則為

名和利一番中熱做了妾與婦一般容悅且笑介
竟是道學先生生好輕薄難道齊人就談不得
道學想那道學先生生是我輩耳休笑相這齊人
也高談道學口見喋二位夫人俺想起當今之世
只陳仲子生個驕人地我前日與他相約說富
直貴之後便當調懸冷却跡此榮顯不索長戀此
香亦教這廉耻海笑殺歎地也
耍孩兒想於陵仲子真清潔處塵世甘心苦節一
從惠顧去鄰那不覺的水遠山遮而今好附新丘

整向後休提舊俠邪須踐俺前時說休教大笑莫
使長嗟

尾聲不是那陳仲子候齊人却是那辟纊妻思姐
姐可是跖和夷利善之間也俺則笑滿人間做官
的對着咱還更劣鼓吹同下

第四十四齣

由君子觀之

憶多嬌

二小齊人冠帶上

做相公做總戎一箇齊

人始與終帶咱每小友都得寵喜今朝誕逢喜今
朝誕逢索早去堦前鞠躬俺下官小齊人是也蒙

時次哥禮舉都授郎官之職今日乃他壽誕則索
人候候着洞進賀也姓錦袍玉帶今且錦袍飄冠

有女彩衣小公子繡衣金冠同敲吹笙

鵲橋僊瑞氣雲濃歡情日永又早誕辰繁冗畫堂

鼓吹藹春風笑徧國齊來趨捧相見介生丈夫不

取奈利名侯二旦今日方完妻妾子也應笑殺

趨炎輩生却把齊人越樣錄夫人俺齊人二旦時

刻得運十載宦途賓朋紛集士夫交至正所為臣

空門如市也今日乃俺生辰料諸友不免相賀都

是至交密友二位夫人不妨共見二旦曉得今

日相公貴誕趁此賓友未來請上受俺二人一

拜生省得煩俺回禮只常禮罷二旦拜生回介

二旦俺二人也不願你多只願你齊頭活一百

歲罷了生多謝了子拜介孩兒願爹爹再加一

百歲生我兒好也你如今長大俺齊人箕裘有

托了二旦侍女每過來嗑老爺的頭侍嗑介願

老爺千歲生每人都賞你紅袖衫一件小心服

事衆應謝介二小齊人進介恭喜長兄貴誕小

第二人等候已久，敢此拜賀。拜介只願你福如

東海壽，北南山時時青眼。二弟生多謝盛情。

小呀，却早王子敖輩來也。王田冠帶上。

金瓏璠兩人同附鳳，要來共拜堂中趨顯者效華

封。入共見介王田大兄請上受小弟每一拜。生纔

爾初度敢煩諸兄。交拜介生我兒過來拜謝了。

二位叔爺。王這是令郎可喜可喜，今年幾歲了

呢。生十歲了。王十歲了，我家小女也有十歲了

如大兄不棄，即以侄女配為媳婦，何如。生不敢

請耳固所願也。田如此小弟做媒便了。僕報上

稟爺淳于老爺奉聖旨來到。生快排香案。淳冠

帶棒旨上。

前腔：欽將聖旨奉封妻封妾，多榮驚室子耀賓朋。

生衆接介：淳。聖旨已到，跪聽宣讀。詔曰：自我太

公丁公以及寡人，蒞有茲土，得保安寧，皆我齊

國諸臣之力，是賴前者五旬克燕，倍予千乘，齊

人之功，為多。今封爾為上大夫，賜號東郭君，爾

妾第汝早處，而夫不媿，雞鳴之咏，俱封齊東郡

夫人爾可與右師王驩一同輔政以相我齊那
如昔川管人大故事主客卿淳于髡可歲加祿
米三百石田戴河進亞卿之職其弟於陵仲子
寡人甚慕其高風特賜粟帛若干以旌廉士戴
亦可時周之爾諸臣其益勵忠勳用安齊國欽
哉介衆謝恩介衆相見介淳大兄貴誕請受小
弟一拜生再不敢勞交拜介生我兒過來拜謝

淳于叔叔淳好佳郎有佳媳否生適了教不棄
許以如盟便是田兄作伐淳作伐豈兄一人便

了帶小弟倍點如何生多謝侍女每看酒送酒

剔銀燈生遭時世陡蒙恩寵教齊人不勝惶悚還

承貴友相欽重羞殺我這般梁棟合添箇冗生辰

乍逢增吉慶姻親又重

前腔二旦賢夫婿妻兒沾寵好賓朋通家情永又

許咱兒子還乘鳳越教把良人歡奉合前

前腔子天生就公卿嫡家論家門堪他相捧俺箕

裘不替真麟種須索把父書頻誦合前

前腔王田淳論榮耀人人心動兩夫人更還超衆

相知合作一頑祥頌共向着丹墀爭貢合前

前腔二小擡頭看朱門高聳低頭來紅裙雜擁憶

年時共把蛇兒弄今日里只他尊重合前生諸君

皆在此俺齊人今日里可方管夷吾晏平仲否淳笑

介子真齊人也知管仲晏子而已矣生淳子兄

子云怕今人更可憐也知齊人而已矣諸兄我想

丈夫貧窮則親戚賤惡位高金多則妻妾畏懼

嗟乎人生世上富貴爵祿益可忽乎哉淳此老

大是無禮當面笑却人也生小弟豈敢俺想昔

時貧困今日陡然發跡皆時為之也偶作鄙語

數句敢為諸兄誦之衆願聞生朗吟介雖有智

慧不如乘勢雖有磁基不如待時衆誠千古至

言也生諸兄不才還有一言富貴浮雲耳腐

嚇人達者鄙之惟田兄令弟仲子當今之世真

所為空谷之音絕無而僅有者也俺心慕其高

風久矣止為妻孥之事未了只得含羞忍辱奔

走仕路今幸至此復何為哉惟有泛舟楚水攀

附於陵耳富貴之場讓諸兄為之對王介老親

論那雙斷袖兒登之可也王多謝兒長俺玉
今日頗窺見其門路矣田前日舍弟也有書自
於陵來招兒借隱但小弟未知尊意不敢道及
耳二旦只那仲子先生的尊政俺姐妹雅是相
慕願良人趁早回頭毋使後人笑不也
山花子生二旦公子如今撒下墻和壘讓諸君富
貴之中小齊人休如乃翁都欽他陳仲高風合論
人間榮華有窮歸來小山歌桂叢想二十載松風
舊夢堪再從竟附於陵丘壑言終

前腔

王淳田二小

吾儕不免還相哄鎖終朝俗狀

塵容仕宦裏穿踰舊踪士夫每妾婦餘風

合前

舞霓裳

合磁基數語煞名通煞名通及時乘勢是

英雄是英雄微時舊事何深諷總不得齊人今日
這恩榮都則是英賢作用這花面覺道冠裳頗為
衆

紅繡鞋也知徧國皆公皆公高巾仲子難逢難逢

而今不貴晉陽風因此上譜齊東與孟老意思同
尾音曲傳東郭非嘲諷則索把齊人尊捧君不見

盡處熙攘名利中
而今仲子先生有好妻
吾家孟老呵呵笑
鼓吹大笑下

珠聯
鼓吹大笑下

豈思榮耀傾
豪隸是豪隸
舞容壯
舞容壯
舞容壯

陳鄴記下卷終

晉柳不



陳鄴記下卷終

